

ভেবেমার্ট

নাটিকা

মাণিক বন্দ্যোপাধ্যায়
ব্রহ্মপুত্রের পরাধি

ষ্ট্যান্ডার্ড পাবলিশার্স

৩৫৮, পদ্মপুর রোড

চরিত্র

মধু...চাষী যুবক

মাখন...কামার যুবক

ছোটলাল...শিক্ষিত যুবক

কাদের...চাষী

আমিরুদ্দীন...চাষী

আজিজ...আমিরুদ্দীনের ছেলে

রামঠাকুর...পুরোহিত ব্রাহ্মণ

নকড়...গ্রাম্য আড়তদার

ভূষণ...চাষী

শঙ্কু...চাষী

পদ্মা...শঙ্কুর মেয়ে

সুবর্ণ...ছোটলালের স্ত্রী

সুভদ্রা...ছোটলালের বোন

নবকুমার

প্রথম দৃশ্য

সকাল । সবে সূর্য উঠেছে । বাড়ীর সামনে আঙ্গনে
উঁচু হয়ে বসে মধু চকচকে ধারালো দাঁ দিয়ে একটা
বাঁশ চেঁছে লাফ করছিল । কতগুলি ছোট বড়
বাঁশের টুকরো কাছে পড়ে আছে । বাড়ীর মেয়াল
মাটির ও চালা ছণের । পাশে একটা লাউমাচা ।
লাউমাচার পিছনে খানিক তফাতে ডোবা আর বাঁশ
ঝাঁড় নজরে পড়ে ।

মধুর বয়স সাতাশ আটশ হবে, দেহ সুস্থ ও সবল ।
তার গায়ে কোড়া একটা গামছা জড়ানো, পরনে
আধ ময়লা মোটা কাপড়, হাঁটুর একটু নীচে পর্যন্ত
নেমেছে । কোমরে আলগাতাবে একটা গরু বাঁধা
দড়ি জড়ানো ।

ক্রতপদে, প্রায় ছুটতে ছুটতে পদ্মা এসে ঝাড়ার
তার চুল এঝোমেনো, ঝাঁচল একহাতে কাঁধে চেপে
ধরে আছে । এসে দাঁড়িয়ে ঝাঁচল ভাল করে গায়ে
অড়িয়ে সে হাঁপাতে থাকে ।

মধু । (উঠে দাঁড়িয়ে ব্যাগ্রভাবে) কি হয়েছে পদ্মি ?

পদ্মা । বাবার আগে একটি বার পানিয়ে এলাম ।

মধু । (একটু হতান ভাবে) বাবার আগে !

শিটে মাটি

পদ্মা। নইলে ছুটে আসি ?

মধু। আমি ভাবলাম তোদের বুঝি যাওয়া হ'লনা তাই ছুটে এয়েছি।
ভাল খপরটা জানাতে। খুব ভোরে না কথা ছিল রওনা দেবার ?

পদ্মা। ছিল না ? জিনিষ পত্র গাড়ীতে বোঝাই দিয়েছে কখন।
এটা ওটা ছুতো করে আমি দিলাম বেলা করিয়ে। ভাবছি কখন
আসে মানুষটা কখন আসে, পথ চেয়ে রইছি ভোর থেকে। যেতে
বুঝি পারলে না একবারটি ? না, মন করলে মরুক গে যাক,
পদ গলে মেয়া জুটবে ঢের !

মধু। জুটবে না তো কি ? শজু দাসের মেয়া পদ্মা দাসী ছাড়া বুঝি মেয়া
নেই কো পিথিমিতে ? যাচ্ছি বেস যাচ্ছি। ফিরে যদি আসিস
কোন দিন, দেখবি তোর তরে বসে নেই মধু, ভূষণ খুড়োর মেয়ারটা
তার ঘর করছে।

পদ্মা। ভূষণ খুড়োর মেয়া ! মোহিনী !

মধু। হাসির কি হল ?

পদ্মা। মেয়া লিয়ে পালাচ্ছে ভূষণ খুড়ো। তোমার অদেষ্ট মন্দ।

মধু। পালাচ্ছে ! ভূষণ খুড়োও পালাচ্ছে। ফসল কি করবে ? গাইবান্ধুর
কি করবে ? তিন জোড়া গাই ওর। কালো গাইটা আজ দশদিন
হয়নি বিইয়েছে।

পদ্মা। নকুড় ফসল তুলবে, গাইবান্ধুর, ঘরদোর দেখবে। যদি অবিশ্র
থাকে কিছু শেবতক।

মধু। গচ্ছিত্ রেখে যাবার লোক পেয়েছে ভাল।

পদ্মা। উপায় কি। কবে হানা দেবে আবার, ঘরদোর পুড়বে, নিহেরা

প্রাণে মরবে, তার চেয়ে প্রাণ নিয়ে পালানো ভাল ।

মধু । যেখানে পালাবে সেখানে হানা দেবে না গুরা ?

পদ্মা । বিপদ সব যাগার সমান নয়তো ।

মধু । কি করে জানবে কোথা বিপদ কম ? ছোটগাল এই কথা বোঝাচ্ছে । যে ভয়ে পালাতে চাইছো এ গাঁ ছেড়ে ও গাঁয়ে, সে ভয়ের এলাকা ছেড়ে তো পালাতে পারবে না । পালাতে দেবেই না ।

পদ্মা । আমার বুঝি কি হবে ! বাবাকে তো পারলে না বোঝাতে !

মধু । নকুড় পরামর্শ দিচ্ছে, ভূষণ ফুসলাচ্ছে, তোর বাবা কি কিছু বুঝতে চায় ! নকুড় গুঁছিয়ে নিচ্ছে বেশ তলে তলে । জলের দামে কিনে সব বেচছে । ভূষণ খুড়োর গচ্ছিত যা কিছু দিবে যাচ্ছে তাও বেচে দেবে । তারপর সরে পড়বে খামধুদোর, এখানে অসুবিধা হলে ।

পদ্মা । না, নকুড় বলেছে সে স্বপ্নরবের গিরে থাকবে, যদিও না হাদাম ধামে ।

মধু । স্বপ্নর বরে গিরে থাকবে ছ'কোশ দূরে ? মোদের এই জুন পাকিয়ার হাদামা হলে বুঝি সেখানে হবে না ?

পদ্মা । এবার হয়নি তো ।

মধু । দশগাঁয়ে হয়েছিল, জুনপাকিয়ার হয়নি তো ! শেষতক হল । পরের বার ওখানে হবে । নকুড়ের কথা ধরিস না । ও লোকটা মতলববাজ, জীহাবাজ ।

পদ্মা । থাকগে বাবা, পরের ভাবনা ভাবতে পারি না আর । এমন

জিটে মাটি

ডর লাগছে মোর ।

মধু । তোর আবার ডর কিসের ? তুই তো পালাচ্ছিস !

পদ্মা । নিজের জন্তু ডরাচ্ছি নাকি আমি ? কি যে হবে ভগবান জানেন !
এত করে যেতে বললাম তোমাকে, তোমার সেই এক পাথুরে গৌ ।
সত্যি বলছি তোমাকে, যেতে মন চাইছে না আমার ।

মধু । মন না চাইলে যাচ্ছিস কেন ?

পদ্মা । সাধ করে যাচ্ছি ? নিজের খুসিতে যাচ্ছি ? তোমার কথা শুনলে গা
জলে যায় । বাবা জোর করে নিয়ে গেলে আমি কি করব । নকুড়
বেশী ঘেঁষেনি বাবার কাছে, দে'মশায় কি যে মস্তুর দিতে লাগল
বাবার কানে, পালাবার জন্তু বাবা একেবারে দিশেহারা হয়ে উঠেছে ।
দে'মশায় সব ব্যবস্থা করে দিচ্ছে । সঙ্গে করে নন্দপুর পৌঁছে দিলে
আসবে । বলেছে, ক'দিন বাদে আড়তের মালপত্রর বেচে দিলে
নিজে গিয়ে থাকবে ওখানে । কি মতলব করেছে কে জানে !

মধু । তাকে বিয়ে করবে ।

পদ্মা । সেতো নতুন কথা নয় । ঢের দিন থেকে আমার পেছনে লেগেছে ।
বাবাকে তোষামোদ করছে । আমি ভাবছি, অল্প মতলব যদি করে
থাকে লোকটা ! ক'দিন থেকে ভেবে ভেবে কুলকিনারা পাচ্ছি না
কিছুর । তা' যা আমার অদেটে আছে ঘটবে, কোন তো উপায়
নেই । তুমি এ গাঁ ছেড়ে পালালে অনেকটা নিশ্চিন্ত হবে যেতে
পারতাম । শেষ বারের মত এই কথা বলতে আমি এলাম ।
(অধীর আগ্রহে) যাও না ? তুমিও যাও না চলে ? তোমার পারে
পাড়ি এমন একগুয়েমি কোরো না । পাথকুড়ার তোমার বোনের

ভিটে মাটি

কাছে গিয়ে তো তুমি থাকতে পার বিপদের ক'টা দিন ?

মধু। ক'টা দিন পদি ? বিপদ ক'দিন থাকবে জানিস কিছ ? ছ'মাস, না এক বছর না দশ বছর ? জানতে পারলে হয়তো যেতাম পদি ।* গেলে পাঁশকুড়ায় যেতাম না, তোদের সঙ্গেই যেতাম ।

পদ্মা। তাই গেলেই তো হয় ! বাবা অত করে বলছে তোমাকে—

মধু। তা হয় না পদি । আমি কোথাও যেতে পারব না । ঘরবাড়ী, গাইবান্ধুর, জমিজমা ফেলে কোথায় যাব ? কি করে যাব ? ধার করে পূবের ভিটের ঘর তুলে ছ'বছর সুন গুনেছি, গায়ের রক্ত ঝল করে এই সেদিন মহাজনের দেনা শুধলাম । সাত বিঘে বেশী জমি এবার ভাগে চষেছি, কাল পরশু ফুঁতে শুরু না করলে নয় । এগার কাহণ খড় ধরে রেখেছিলাম, এবার বেচতে হবে । বুড়ো বাপটা স্নধু ছধ খেয়ে বেঁচে আছে, লক্ষ্মীকে ফেলে বিদেশে পালালে খেতে না পেয়ে বাপটা আমার মরে যাবে । জমির ধান ধরে তুললে আমার মা বোন বাপ সারা বছর খাবে । আমার যাওয়ার উপায় নেই, (ধীরে ধীরে মাথা নেড়ে) কেবল এসব অসুবিধের জন্ত নয়, বাবার কথা ভাবলেই মনটা ছুঁ করে ।

পদ্মা। কেন ?

মধু। তুই মেয়ে-মাল্লুঘ, বাপের ঘরে বড় হয়ে সোরাশীর ঘরে চলে যাস ঘরদোর জমিজমার দরদ তুই কি বুঝবি ? বেড়া থেকে একটা কঞ্চি কেউ খুলে নিলে টের পেয়ে যাই । ক্ষেত থেকে এক কোদাল মাটি নিলে মনে হয় এক খাবলা গায়ের মাংস নিয়ে গেছে । সব ফেলে যাবার কসত আমার নেই । সবাই পালাক, গাঁ খালি হয়ে

ভিটে মাটি

যাক, এক। আমি আমার ক্ষেতখামার ঘরবাড়ী গাইবাহুর আগলে
গাঁয়ের মাটি কামড়ে পড়ে থাকবো।

পদ্মা। তবে কি হবে ? তুমি এখানে থাকবে, আমি চলে যাব—

(শঙ্কুর প্রবেশ। পঞ্চাশ বছরের গৃহস্থ চাষী)

শঙ্কু। (ক্রুদ্ধকণ্ঠে) তুমি এখানে ? চান্দিকে চুড়ে চুড়ে হযরান হয়ে গেলাম—
কি করছিস তুমি এখানে বেহায়া বজ্জাত মেয়ে ?

মধু। আমি একবারটি ডেকেছিলাম।

শঙ্কু। কেন ডেকেছিলে ? আমার মেয়েকে তুমি কেন ডাকবে, আমার
বিয়ের যুগি এতবড় মেয়েকে ? আঙ্গুলা কম নয় তো তোমার ?

মধু। গাঁ ছেড়ে যাওয়া নিরে ক'টা কথা বলার ছিল।

শঙ্কু। (হঠাৎ উৎসুক হয়ে) তোমার যাওয়ার কথা ? মত বললেছ তুমি ?
ভগবান স্মৃতি দিয়েছেন ? শোন বলি মধু, প্রাণের ভয়ে গাঁ ছেড়ে
পালান্ছি বটে, মন কি যেতে চাইছে মোর। বুকটা হুহু করছে।
ঘরদোর এদিকে নষ্ট হবে, বিদেশ বিড়ুঁয়ে ওদিকে দশা কি হবে
মোদের ভগবান জানেন। তুমি যদি সঙ্গে যাও, বুক জোর পাই
আমি।

মধু। তা হয় না।

শঙ্কু। ওই এক কথা তোমার। কেন হয় না শুনি ? বীর, ভূষণ,
কানাই, নকুড়, বনমালী সবাই যেতে পারে, তুমি যেতে পার না ?
এমন একপুঁয়ে হয়োনা বাবা। কথা শোন মোর। ছেলেকেলা
থেকে ওনেছি বড় ঠাকুরের যুখে, বুদ্ধিমান যে হয় সে কি করে ?
না, অবস্থা বুকে ব্যবস্থা করে। প্রাণ যদি থাকে বাবা, সব বজাঙ্ক

ভিটে মাটি

থাকে, প্রাণ যদি যায় তো ঘরছয়ার, জিনিষপত্তর থেকে কি হয় মানুষের! কিছু কি রাখবে ওরা, সব জালিয়ে পুড়িয়ে ছারখার করে দেবে। কিসের ভরসায় তবে গাঁয়ে পড়ে থাকা? আমি তোমার ভাল ছাড়া মন্দ পরামর্শ দেব না মধু। কথা রাখো আমার, চলো একসাথে যাই।

পদ্মা। তাই চলো। একসাথে চলে যাই।

(মধু একবার তার দিকে বিষণ্ণ গভীর মুখে তাকাল, তারপর চিন্তিতভাবে অন্তর্দিকে চেয়ে চূপ করে থাকে।)

শম্ভু। (মধুর নীরবতায় উৎসাহিত হয়ে) জান বাবা, কাল আমরা চলে যেতাম, তোমার জন্ম প্রাণ হাতে করে একটা দিন দেবী করলাম। শুধু তোমার জন্ম। কত কষ্টে মদনের গাড়ী পেইছি মদনকে রাজী করে। বুড়ো ক্যাংটা বলৎ ছুটো, গাড়ী চলবে টেকস টেকস। যাহোক তাহোক, গাড়ীতে সব মালপত্তর বোঝাই দিয়েছি, রওনা হবার জন্তে পা বাড়িয়েছি, তবু তুমি যদি যাবে বল মধু, আজকেও যাওয়া বন্ধ করে দিতে রাজী আছি। কাল একসাথে রওনা হব। তুমি আমার ছেলের মত, ছেলের চেয়ে বেশী। সেবার যখন ডাকাত পড়ল বাড়ীতে, তুমি সবাইকে ডেকেডুকে নিয়ে সময় মত হাজির হয়েছিলে বলে ধনেপ্রাণে বেচে গেছিলাম। সে ঋণ এ জন্মে শোধ হবার নয়। নকুড় তিনশো টাকা পণ দিতে চেয়ে কত সাধাসাধি করেছে, আমি বলেছি, না, আমার জামাই হবে মধু। আজ অবস্থা যেমন হোক, মধুর চেষ্টা আছে, সে উন্নতি করবে।

শিটে মাটি

সে আমার ধনপ্রাণ বাঁচিয়েছে, আমার মেয়ের ধন্যো রক্ষা করেছে, সে ছাড়া কারো হাতে আমি মেয়ে দেব না। মোদের সাপে চলো মধু, যে অবস্থায় যেখানে থাকি, এক মাসের মধ্যে শুভকর্মেটা সেরে ফেলব।

মধু। (অনুমনস্ক ভাব কেটে আত্মস্থ হয়ে) তাই যদি মন থাকে দাসমশায়, বিয়েটা সেরে দিয়ে ওকে রেখে যাও।

শম্ভু। ডাকাত বেটাদের জন্তে ?

মধু। আমি বেঁচে থাকতে মোর বৌকে ছোঁবে !

শম্ভু। তুমি বেঁচে থাকলে তো !

মধু। আমি যদি মরি, মোর বৌও মরতে পারবে।

শম্ভু। মেয়ের আমার জোর বরাত বলতে হবে, ওমাসে বিয়েটা হয়ে যায়নি। তোমার বৌ হয়ে মরে কাজ নেই, আমার মেয়ে হয়েই মেয়ে আমার বেঁচে থাকবে।

নকুড়ের প্রবেশ। শম্ভুর সমবয়সী গ্রাম্য মহাজন ও আড়তদার। গায়ে গলাবন্ধ গরম কোট, কাঁধে সস্তা চাদর ও পায়ে চটি।

নকুড়। এই যে পাওয়া গেছে। তা আর দেবী করা কেন, বেলা নেহাৎ মন্দ হয়নি।

শম্ভু। না, আর দেবী নেই। দে'মশায়, আমাকে আর দু'কুড়ি এক টাকা ধার দেবে ?

নকুড়। তা—সে নয় দিলাম। টাকাটা লাগবে কিসে ?

শম্ভু। মধু বায়নার টাকা দিয়েছিল, সেটা ফেরত দিয়ে যাব। ওর সঙ্গে

কোন বাঁধাবাধির মধ্যে থাকতে চাই না। সব সম্পর্ক চুকিয়ে দিয়ে যাব।

নকুড়। দিচ্ছি। একুনি টাকা দিচ্ছি।

(কোমর থেকে থলে বার করে টাকা গুণতে লাগল। বোঝা গেল হঠাৎ সে ভারি খুসী হয়ে উঠেছে। বার বার পদ্মার দিকে তাকাতে লাগল।

পদ্মা। তুমি আবার দে'মশায়ের কাছ থেকে টাকা নিচ্ছ বাবা! শোধ দেবে কি করে?

নকুড়। আহা, নাই বা শোধ দিল! আমি কি বলেছি শোধ দিতে হবে।

পদ্মা। টাকা নিলে শোধ দিতে হবে না কি রকম? তুমি নিওনা বাবা দে'মশায়ের টাকা।

শম্ভু। তুই চুপ কর।

মধু। আমার টাকা পরে দিলেও চলবে, দাসমশায়। বায়না হিসেবে রাখতে না চাও, ঋণ হিসেবেই টাকাটা। এখন তোমার কাছে থাক। হাতে টাকা হলে তখন দিও।

নকুড়। (ভাড়াভাড়ি কয়েকটি নোট শম্ভুর হাতে দিয়ে) এই নাও ছ'বুড়ি এক টাকা। বাড়ী গিয়ে একটা রসিদ দিও—ইন্সটাম্প মারা কাগজ একখানা আছে। হিসেবের জন্তু একটা রসিদ নেওয়া—নয় তো তোমাকে টাকা দেব তার আবার রসিদ কি!

শম্ভু। সই করে দেব দে'মশায়, ভেবো না। তোমার বায়নার টাকা কেবল নাও মধু। (টাকাটা সামনে ফেলে দিল) আজ থেকে মোর সাথে কোন সম্পর্ক রইল না তোমার। চলো আমরা যাই।

ভিটে মাটি

নকুড়। আহা হা—দলিলপত্র ফেরত নাও। এমনি টাকাটা দিয়ে চলে
যাচ্ছ কি রকম ?

শঙ্কু। দলিলপত্র কিছু নেই।

নকুড়। লেখাপড়া হয়নি কিছু ? এমনি টাকা দিয়েছিল ? তুমি অস্বীকার
করলে যে চাইবার মুখটি ছিল না ওর !

শঙ্কু। টাকা নিয়েছি, অস্বীকার করব কেন দে'মশায় ?

নকুড়। তা বটে, তা বটে। সে কথা বলছি না। এমনি কথার কথা
বলছিলাম আর কি যে টাকা যে, দিয়েছিল ও তার প্রমাণ কিছু নেই।

মধু। রসিদপত্র কিছু নেই, আদালতে নাগিশ হত না, তবু একজন আর
একজনের টাকা ফেরত দিয়েছে বলে গা জালা করছে দে'মশায়ের।

নকুড়। টাকা তো মিলেছে অত কথা কেন আবার ?

শঙ্কু। চলো আমরা যাই। চল পদি বাড়ী চল।

পদ্মা। বাড়ী গিয়ে আর কি হবে বাবা ? আমি ওই রাস্তার মোড়ে দাঁড়িয়ে
থাকি, তুমি গিয়ে সবাইকে নিয়ে এসো। মোকে মোড় থেকে
তুলে নিও।

শঙ্কু। আর বলছি বেহায়া বজ্জাত মেয়ে !

অস্তুরালে রামঠাকুরের গলা শোনা গেল—শঙ্কু নাকি
হে ! ওহে শঙ্কু দাঁড়াও, দাঁড়াও।

রামপ্রাণ ভট্টাচার্য্যের প্রবেশ। পরনে পাটের কাপড়,
গায়ে উড়ুনি, পূজার বেশ। বগলে কাপড় জড়ানো
পুঁথি, হাতে কুশাসন, ঘণ্টা প্রভৃতি আছে। আর
আছে বেখামা রকমের মোটা একটা লাঠি। উড়ুনির

একপ্রান্তে নৈবিদ্যের মত কি ঘেন বাঁধা। বছর
চল্লিশেক বয়স, শুষ্ক শীর্ণ কাঠখোটা চেহারা, তবে
দুর্বল মনে হয় না। গলার আওয়াজ মোটা ও কর্কশ।
জোরে জোরে কথা বলা অভ্যাস।

রামঠাকুর। এই যে নকুড় ও আছ।

নকুড়। প্রণাম হই ঠাকুরমশায়!

রামঠাকুর। কল্যাণ হোক। তোমার সর্বনাশ হবে নকুড়।

শম্ভু। ঠাকুরমশায়, প্রণাম।

রামঠাকুর। কল্যাণ হোক। তুমি উচ্ছন্ন যাবে শম্ভু।

শম্ভু। সকালবেলা শাপমণ্ডি দিচ্ছেন কেন ঠাকুরমশায়?

রামঠাকুর। দেব না? আমাকে ফাঁকি দিয়ে চুপি চুপি চোরের মত গাঁ

ছেড়ে পালাচ্ছ, অভিশাপ দেব না তো কি আশীর্বাদ করব?

শম্ভু। সে কি কথা ঠাকুরমশায়। আপনাকে ফাঁকি দিলাম কখন?

চোরের মতই বা গাঁ ছেড়ে পালাব কেন?

রামঠাকুর। তাই তো পালাচ্ছ বাপু? দিনক্ষণ গুনিয়ে নিলে না, রওনা

হবার সময় দু'টো শাস্তিবচন বলতে ডাকলে না, আশীর্বাদ নিলে না,

একটা খবর পর্য্যন্ত দিলে না, আবার ঠিক আমার গোনা শুভদিনটিতে

শুভক্ষণটিতে পালাচ্ছ। বাবুলালবাবুর জন্তু কত পাঁজি পুঁথি

ষেঁটে আজকের শুভদিনটি বার করলাম, আমার ঠকিয়ে আমার

শুভদিনটিতে তোমরা যাত্রা করছ। ফাঁকি দেওয়া আর কাকে

বলে?

শম্ভু। শুভদিন কি আপনার সম্পত্তি নাকি ঠাকুরমশায়? একজনের জন্তু

ভিটে মাটি

আপনি দিন দেখে দিলে সে দিন অল্প কেউ গাঁ ছেড়ে যেতে পারবেনা ?

রামঠাকুর। যেতে পারবে না কেন ? আমার দক্ষিণাটা দিয়ে দিলেই যেতে পারবে।

মধু। তাই বলেন, আপনার দক্ষিণা চাই।

শম্ভু। বাবুলালবাবুও কি আজ যাচ্ছেন ঠাকুরমশায় ?

রামঠাকুর। এই মাত্র শুভযাত্রা করিয়ে দিয়ে এলাম। কালরাত্রেই বড়বাবু ব্যাকুল হয়ে আমার ডেকে পাঠালেন। পাঁচসিকে দক্ষিণা হাতে দিয়ে বললেন, কালের মধ্যে একটা ভাল দিন দেখে দিতে হবে ঠাকুরমশায়। ভাল করে পাজি পুঁথি দেখুন। পাজিতে আজ যাত্রা নিষেধ লিখেছে। বাবুলালের মা বঁকে বসেছিলেন, আজ যাওয়া চলতেই পারে না। ঘড়ি পেতে আধ ঘণ্টা গুণে আমি বিধান দিলাম, আজ সকাল দশটার মধ্যে কিঞ্চিৎ পূজার্চনাদির পর যাত্রা অতীব শুভ। সকালে গিয়ে পূজার্চনাদি করে যাত্রা করিয়ে দিয়ে আসছি। বাবুলালবাবু আবার দক্ষিণা দিয়েছেন পাঁচসিকে। বাবুলালবাবু লোক ভাল, তার মঙ্গল হবে। কিন্তু তোমাদের কেমন ধারা বিবেচনা নকুড় ? শম্ভু ? খবর পেয়েছ বড়বাবুকে বিধান দিয়েছি আজ সকালে যাত্রা প্রশস্ত, বায়ুনকে ফাঁকি দিয়ে আজকেই যাত্রা করছ। যাচ্ছ, যাও। বারণ করিনে। কিন্তু একটা কথা মনে রেখো। বাবুলালবাবুর যাত্রা শুভ বলে কি, তোমাদেরও আজ যাত্রা শুভ ! মানুষে মানুষে তফাৎ নেই ? রাশিচক্রের ভেদ নেই ?

শম্ভু। রাগ করবেন না ঠাকুরমশায়। দিনক্ষণ দেখার কথা খেয়াল হয়নি

ভিটে মাটি

মোটো। মাথার কি ঠিক আছে। এই সওয়া পাঁচআনা প্রণামী নিয়ে আশীর্বাদ করুন। (প্রণাম করল) ঠাকুরমশায়কে প্রণাম কর পদ।

পদ্মা প্রণাম করল।

যাত্রা শুভ হবে তো ঠাকুরমশায় ?

রামঠাকুর। হবে বৈ কি। এক কাজ কোরো শম্ভু, নন্দপুরে পৌঁছে দামোদরের পূজা পাঠিয়ে দিও পাঁচসিকে। যাত্রা আরও শুভ হবে। আর তুমি নকুড় ?

নকুড়। আমি দু'দিন পরেই ফিরে আসছি ঠাকুরমশায়। আড়তের মাল-পত্রের ব্যবস্থা করে একেবারে যখন যাব, আপনাকে প্রণাম করে যাব বৈ কি !

রামঠাকুর। দু'দিনের জন্ত হোক, একদিনের জন্ত হোক, যাত্রা তো করছ বাপু ? বামুনের আশীর্বাদ নিয়েই নয় গেলে ! সওয়া পাঁচআনা পয়সার জন্ত অত মায়া কেন ?

নকুড় অগত্যা প্রণামী দিয়ে প্রণাম করলে । কল্যাণ হোক। বাস, এবার তোমরা যেতে পার ! দামোদরের পাঁচসিকে পূজা পাঠিয়ে দিতে ভুলো না শম্ভু।

শম্ভু। ভুলব না ঠাকুরমশায়।

(শম্ভু, পদ্মা ও নকুড় চলে গেল)

মধু। আপনি তবে রয়ে গেলেন ঠাকুরমশায় ? ও পাঁচসিকে এসে পৌঁছতে চের দেবী।

রামঠাকুর। তোমরা যদি আছ থাকতেই হবে। যেতে হলে তো মধু

ভিটে মাটি

চাই ছ'পয়সা ? যাবার সময় তোমবা কিছু কিছু দ্বিধে যাচ্ছ, দেখি যদি তোমাদের সবাইকে শুভযাত্রা করিয়ে নিজের শুভযাত্রার সংস্থান কিছু হয় কিনা। এ বাজারে আমার ব্যবসাটা একটু উঠেছে, এইটুকু যা লাভ মধু। যা মন্দা যাচ্ছিল। বিশ্বাস ও অবিশ্বাসেব ধাঁধায় পড়ে লোকে শুধু দিচ্ছিল ফাঁকি, বামনপুরুতকে ছ'টো পয়সা দিতে জ্বর আসছিল গায়ে। এখন ভয়েব চোটে এমনি দিশেহারা হয়ে গেছে যে আদায় পত্র হচ্ছে কিছু, চাপ দিয়ে ভয় দেখিয়ে। একটু উঠেছে ব্যবসাটা! তবে এ আর ক'দিন! এরপব যা মন্দাটা আসছে, কাববার গুটোতে হবে।

মধু। আপনার আবার ব্যবসা কি ঠাকুরমশায়!

রামঠাকুর। ব্যবসা বৈকি মধু। অন্ততঃ পেশা তো বটে। আমি কিছু বুঝিনে ভেবো না হে। ভক্তিতে কেউ একটি পয়সা দেয় না, যা দেয় ভয়ে। উকিল, মোক্তার, কোববেজ, ডাক্তারের মত আমিও মোচড় দিয়ে যা পারি আদায় করে নিই। চলা চাইতো আমার। ওদের মত আমিও চক্ষুজ্জ্বার বালাই বিসর্জন দিয়েছি।

মধু। যেতে না বলে আপনি সবাইকে যেতে বারণ করেন না কেন ঠাকুরমশায় ? যে ভাবে সব দিশেহারা হয়ে সব পাগাচ্ছে, ছরবস্থার সীমা থাকবে না। আপনি জোর করে বললে হয় তো অনেকে যাওয়া বন্ধ করবে।

রামঠাকুর। কেউ যাওয়া বন্ধ করবে না বাবা। যে আতঙ্ক জন্মেছে, স্ত্রী পুত্র ফেলে যে সবাই উর্ধ্বশ্বাসে ছুট দেয় নি তাই আশ্চর্য। কথা কেউ শুনবেনা মধু। যদি শুনত, বলে দিতাম এ বছর যাত্রা করার

ভিটে মাটি

একটাও ভাল দিন নেই, সঙ্কটের অযাত্রা। যাত্রা করিয়ে কিছু কিছু পাচ্ছি, সে পাওয়ার লোভ নয় ছেড়েই দিতাম।

মধু। লোভ আপনার নেই ঠাকুরমশায়।

রামঠাকুর। আমি বলি ব্রাহ্মণ, আমার লোভ নেই, বলো কি হে! লোভ আমার ধর্ম। কথা যারা শুনবে জানি, তাদের থাকতে বলছি মধু। তাও ওই লোভের হিসেবে। সবাই চলে গেলে আমার ব্যবসাই যে মাটি হবে। যত জনকে রাখা যায় ততই আমার লাভ।

ছোটলাল ও মাখন এসে দাঁড়াল। ছোটলাল মধুর চেয়ে কয়েক বছরের বড়, স্বাস্থ্যবান সুশ্রী চেহারা, শ্রামবর্ণ। সাধারণ গ্রাম্য গৃহস্থের বেশ, মোটা কাপড়, সুতার মোটা কাপড়ের কোট, সস্তা মোটা গরম চাদর। পায়ে জুতো আছে, শিশির ভেজা মাটি লাগানো। মাখন তার সময়সী কামারের কাজ করে। গায়ে ক্ষতুয়া, চাদর। কাপড় জমা ঘরে কেচে লালচে রকম সাফ করা। দেখলেই বোঝা যায় কোথাও ঘাবে বলে তৈরী হয়েছে, কারণ চুলও মোটামুটি আঁচড়ানো।

মধু। আরে, ছোটবাবু!

ছোটলাল। ছোটবাবু ডাকটা বলতে পার না মধু? শুনলে মনে হয় আমি যেন তোমাদের জমিদারের ভাই অথবা ছেলে, ছোট তরফ। সবাই ছোটবাবু বলে, তুমি ছোটবাবু বলে আমার ছোট করে দাও কেন?

ভিটে মাটি

রামঠাকুর। ছোট করে দেব ! হা হা হা ।

ছোটলাল। জমিদার বলা আর গালাগাল দেওয়া একই কথা ঠাকুরমশায় ।
মধু। ওটা বলা কেমন অভ্যাস হয়ে গেছে ছোটবাবু । আপনি গেলেন না ?

ছোটলাল। কোথায় গেলাম না ?

মধু। ঠাকুরমশায় বললেন আপনারা আজ রওনা হয়ে গেলেন ।
শুনে ভড়কে গেছলাম ।

রামঠাকুর। এই তো 'দোষ' তোমাদের মধু । এমন করে তোমরা
শুজব রটাও আবোল তাবোল, মাথা মুণ্ডু থাকে না । আমি কখন
বললাম ছোটলালকে রওনা করিয়ে দিয়ে আসছি ? রওনা হলেন
বাবুলাল ।

ছোটলাল। দাদা পালানে আমিও পালাব মধু ?

মধু। তাই তো ভাবছিলাম অবাক হয়ে— । বৌঠান ওনারা ?

ছোটলাল। আমার বৌ থাকবে, আমার বোনটাও থাকবে । দাদা তার
বৌ ছেলেমেয়ে নিয়ে যাবে পুরী ।

মধু। যেতে দেবে ?

ছোটলাল। তুমি পাগল মধু । সবাইকে কি ওরা আটকাচ্ছে—ওঁতো দিয়ে
গাঁয়ে পাঠাচ্ছে আরও ওঁতো দেবার জন্তু ? যারা ভালো লোক,
মিহি লোক, যাদের অনুগ্রহ করলে ফল পাওয়া যায়, তাদের জন্তু ভিন্ন
ব্যবস্থা । পাশ না যোগার করে কি আর কি দাদা যাচ্ছে । আর
সত্যি বলি, দাদার ভাই বলেই আমিও আসতে পেরেছি গাঁয়ে ।
হয় তো আপশোষ করছে সেজন্তু এখন !

মধু। তা করছে । মোদের বাঁচাবার চেষ্টার লেগে যাবেন এমনভাবে
তা কি ভাবতে পেরেছিল ।

ভিটে মাটি

ছোটলাল। হুপুবে একবার এসো মধু ভগবান মাইতির বাড়ীতে। কেউ কেউ ভয় পেয়ে এখানে ওখানে চলে যাচ্ছে, এটা ঠেকাতে হবে। পরামর্শ করা দরকার।

মধু। মোর সাথে পরামর্শ!

ছোটলাল। সবার সাথেই পরামর্শ দরকার। আচ্ছা আমি যাই, সময় নেই।

ছোটলাল চলে যায়।

মধু। তুই সেজেগুজে চলেছিস কোথা মাখন?

মাখন। শুরুর বাড়ী।

মধু। বটে? বৌ ডেকেছে বুঝি?

মাখন। জরুরী ডাক, হুকুম একদম। আজ গিয়ে নিয়ে না এলে একলা চলে আসবে। ওর বাপ ভাই আসতে দিতে চায় না, পৌছেও দিয়ে যাবে না। এ গাঁয়ে আসতে ওদের ডর লাগে। কি করি, আনতে যাচ্ছি।

রামঠাকুর। তুমিও দেবে নাকি কিছু দক্ষিণা?

মাখন। আজ্ঞে না ঠাকুরমশায়। শুভ-যাত্রা করছি না, মোর এটা অযাত্রা।

রামঠাকুর। না বাবা, না। এটা শুভ যাত্রাই তোমার। লোকে পালাচ্ছে গাঁ ছেড়ে, বৌ ছেলে পাঠিয়ে দিচ্ছে, তুমি এ সময় আনতে চলেছ বৌকে! বিনা দক্ষিণাতেই তোমার আশীর্বাদ করছি, সবার চেয়ে তোমার যাত্রা শুভ হোক।

মাখন। তুই কবে পালাচ্ছিস মধু?

ভিটে মাটি

মধু। আমি পানাব ?

মাখন। শঙ্খু মেয়ে নিয়ে যাচ্ছে আজ। তুই যাবি না ?

মধু। শঙ্খু মেয়ে নিয়ে চুলোয় গেলে মোকেও যেতে হবে ?

মাখন। ও বাবা ! বলিস কি রে ?

রামঠাকুর। শঙ্খু ওর দাদনের টাকা ফেরত দিয়েছে, সঙ্গে গেল না বলে।

নকুড়ের কাছ থেকে ধার করে দিয়েছে অবশ্য।

মাখন। বলিস কি রে ! তুই যে অশাক করে দিলি !

রামঠাকুর। অবাক তোমরা দুজনেই করেছ বাপু। তুমি যাচ্ছ বৌকে

আনতে, ও যাবে না বলে ছেড়ে দিচ্ছে হবু বৌকে ! হা হা হা !

যৌবনের লক্ষণ এই। শাস্ত্রে বলেছে, যৌবন—অগ্নি তাপেন উষ্ণ

ভবতি শোণিত। এ কিন্তু আমার শাস্ত্র বাপুসকল, ধোঁকা দেব না

তোমাদের, মুখ্য মুখ্য সরল মানুষ তোমরা। শাস্ত্রটাস্ত্র পাঠ করা

হর নি বাপু আমার, ছোটো মুখস্ত মস্ত বলতে পারি, বসে

জোরে হাসতে হাসতে রামঠাকুরের প্রস্থান

মাখন। বেশ লোক ঠাকুরমণার। ঔর বড় ভাইটা ছিলেন পয়লা নম্বর

ভণ্ড তপস্বী।

মধু। বাবুলাল আর ছোটবাবু যেমন।

মাখন। কিন্তু মধু, এ কাজটা কি ঠিক হলো তোর ?

মধু। কোন কাজটা ?

মাখন। ভূষণের হাতে ছেড়ে দিলি পদিকে ? শঙ্খুকে বিপদে ফেলে

পদিকে ও হাত করবে নির্ধাৎ। আঁটে পিটে বেঁধেছে শঙ্খুকে।

মধু। আমি কি করব ভাই। সবাইকে বারণ করছি গাঁ ছেড়ে যেতে,

জোর গলায় বলেছি গাঁয়ের সবাই পালালেও আমি পালাব না, মা বোনকে পাঠাব না। নিজেই পালাব এখন? মরলেও তা পারব না।

মাখন। এমনি যদি হানা দিতে থাকে ?

মধু। তা হলেও পালাব না। আর ও যদি হিসেব ধরলে কি কুল কিনারা পাব ভাই? ছোটবাবু বলেন, যদি লাগিয়ে সব কিছু ঘটানো যায়, সব কিছু বাতিল করা যায়। বুঝে শুনে তলিয়ে বিচার করে দেখতে হবে সব কথা। আমার মনে বড় লেগেছে কথাটা। পালাব কোথায়? সমুদ্র র ডিঙ্গিয়ে যদি যেতে পারতাম অন্য দেশে তবে নয় কথা ছিল।

মাখন। আমিও তাই ভেবে আনতে যাচ্ছি পৌটাকে।

মধু। ভাল করেছিস। মা বোনকে মামাবাড়ী পাঠাবার কথাটাও কানে তুলি নি আমি। একজনকে ভয় পেতে দেখলে দশজনে ভয় পায়। একজনের সাহস দেখলে দশজনে সাহস পায়।

মাখন। কি কাণ্ডটাই চলছে দেশ জুড়ে।

মধু। দেশ জুড়ে আর কই চলল ভাই। দেশ জুড়ে চললে কি আর ভাবনার কিছু থাকত, একদিনে সব ভয় ভাবনা চুকে যেত। ছোটবাবু গোড়ায় এসে তাই বলেছিলেন। তখন ভালো রকম বিশ্বাস করিনি কথাটা। এখন সবাই জানছি এ শুধু মোদের এলাকা। ছোট এলাকা পেয়েছে বলেই না বেড়া জালে ঘিরে প্রতিশোধ নেবার সুযোগ পেয়েছে, যা খুসী করেছে। এ এলাকার বাইরের মানুষ নাকি জানেও না কি হচ্ছে এখানে। লোকের মুখে ছ'চার

ভিটে মাটি

জন মাতুর কিছু কিছু শুনছে।

মাখন। শুনছি, কটা গাঁয়ের ধারে কাছে যেতে নাকি ভরসা পার না।

ভাবলে হাতুড়ি ঠুকতে হাতে যেন জোর বাড়ে।

মধু। কি তেজ, বুকের পাঠা, ভাবলে বুক ফুলে ওঠে সত্যি। আবার যখন ভাবি, কটা মোটে গাঁ, তখন ছঃখ হয়। যেমন বন্যা, তেমনি বাঁধ না হলে কি ঠেকানো যায়। বাঁধ বন্যায় ভেসে যায়। তবে সময় আসবে, বাঁধ আমরা বেঁধে তুলব। সবাই মিলে হাত লাগাব। সময় আসুক।

মাখন। সময় কবে আসবে ভাবি।

মধু। আসবে, আসবে। এমনি অবস্থা কি চলতে পারে। সবাই একজোট হবে, হেথা সেথা ছাড়া ছাড়া ভাবে নয়, সব ঠায়ে। সে আয়োজন হয়নি বলে তো মুশ্কিল হল মোদের।

ব্যস্ত ভাবে কাদের, আমিরুদ্দীন ও আজিজের প্রবেশ।
তিনজনেই চাষী শ্রেণীর লোক। কাদের মাঝ বয়সী, আমিরুদ্দীন বৃদ্ধ, আজিজ যুবক।
আজিজের গায়ে পিরান

কাদের। এই যে মধু ভাই। তোমায় খুঁজছিলাম।

মধু। কি ব্যাপার কাদের ভাই? টাকাটার জন্ত?

কাদের। হাঁ। মধু ভাই, মোর টাকাটা দাও। তাড়াতাড়ি দাও।

মধু। দিচ্ছি। দেব যখন বলেছি, টাকা নিশ্চয় দেব।

কাদের। কেউ দিচ্ছে না ভাই। নগদ টাকাটা কেউ হাতছাড়া করতে চায় না। নাগিশের ভয় দেখালে বলে, কর নাগিশ। কোথা

ভিটে মাটি

নাগিশ করব, কার কাছে ! যদি বা করি, নাগিশ করে, ডিগ্রী হতে কত সময় যাবে, ছ'মাস বছর বাদে মামলার খরচ শুদ্ধ তিনগুন দিতে সবাই রাজী, এখন একটা পয়সা দিতে চায় না। আল্লা, আল্লা ! কি হুর্দিন, কি হুর্দিন।

(মধু কোমরে বাঁধা গেঁজিয়া থেকে ছটি টাকা আর কিছু খুচরো পয়সা বার করল। শঙ্কর টাকা মাটিতেই এতক্ষণ পড়েছিল, টাকাটা তুলে গেঁজিয়ায় ভরতে গিয়ে কোমরে গুঁজে রাখল। কাদেরকে তার পাওনা দিল)

মধু। এই যে তোমার ছ'টাকা ছ'আনা।

কাদের। তুমি লোক ভালো তাই চাওয়া মাত্র পেলাম। দে'মশায়ের কাছে দশ মন চালের দাম এক মাসের চেষ্ঠায় আদায় হল না তাই। বলেন, আরও দশ মন চাল দিয়ে একসাথে দাম নিয়ে যাবে। আরও দশ মন চাল দিলে খাব কি ! চালের দাম কত বেড়ে গেছে, উনি কিনবেন সেই আগের দামে। আল্লা, আল্লা ! কি হুর্দিন, কি হুর্দিন !

মধু। হুর্দিন তো বটেই। কেটে যাবে হুর্দিন। খারাপ সময় চিরকাল থাকে না।

আমিরুদ্দীন। আলাপ শুরু করলে কাদের মিঞা ? যেতে হবে না ?

মধু। তোমরা এত ব্যস্ত হয়ে পড়েছ কেন ?

আমিরুদ্দীন। আমরা আজ চলে যাচ্ছি।

কাদের। ব্যস্ত হব না মধু ? বাচ্চা-কাচ্চা নিয়ে ঘর সংসার গুড়িয়ে

ভিটে মাটি

যাওয়ার হাঙ্গামা কি সহজ ! কোন দিকে যাই কি করি ভেবে দিশেহারা হয়ে গেলাম। একটা গরুর গাড়ী মিলল না। একবেলার রাস্তা কদমসাই, চার টাকা কবুল করে গাড়ী পেলাম না। মেয়েদের হাঁটা ছাড়া উপায় নাই। আল্লা আল্লা !। কি দুর্দিন, কি দুর্দিন।

মধু। নাই বা গেলে কাদের ?

কাদের। মরতে বলা নাকি তুমি ?

আমিরুদ্দীন। শুধু কি মরব ? মোদের জান নেবে, মেয়েদের বেইজ্জৎ করবে।

কাদের। কিসের ভরসায় থাকি বলা ?

ছোটলাল। কিসের ভরসায় যাচ্ছ ? কদমসাই গেলে কি জান বাঁচবে, মেয়েদের ইজ্জৎ বজায় থাকবে কাদের ? কাচা-বাচা নিয়ে তোমাদের মেয়ে বৌ যেখানে হেঁটে যাবে, ওরা সেখানে যেতে পারবে না ? সেখানে বিপদ তোমাদের বেশী হবে। আত্মীয় বন্ধু, গাঁয়ের চেনা লোক, সেখানে তোমাদের কেউ সহায় থাকবে না। বিপদ হলে সেখানে তোমাদের কে দেখবে ভেবে দেখেছ ? তার চেয়ে নিজের গাঁয়ে থাকাই তো ঢের ভাল। বিপদে আপদে গাঁয়ের দশটা লোক ছুটে আসবে।

কাদের। কে আসবে ? সবাই পালাচ্ছে। মানপুরে হানা দেওয়ার সবাই ডরিয়েছিল। ছোটবাবু ভরসা দিয়ে থাকতে বললেন, শুনে সবার বুকে একটু সাহস জাগল। অনেকে পালাবে ঠিক করেছিল, তারা যাওয়া বাতিল করে দিল। এবার সবাই খবর পেয়েছে ছোটবাবুরা নিজেরাই পালাচ্ছে। শুনে ফের সবাই ভয় পেকে

গেছে।

(মাখন ও মধু মুখ চাওয়া চাওয়ি করল)

মধু। ছোটবাবু পালাবেন না কাদের ভাই।

কাদের। (সন্দিক্ত ভাবে) পালাবেন না? তবে যে শুনলাম আজ ছোটবাবুরা সব পালাচ্ছেন?

মধু। আজ বাবুলালবাবু চলে গেছেন। ছোটবাবু যাবেন না।

আমিরুদ্দীন। ছোটবাবু একা থাকবেন? একা থাকতে ডর কিসের। যখন খুসী যেতে পারবেন। ডর তো বাচ্চা-কাচ্চা মেয়েদের জন্ত।

ম। একা নয় ভাই, তিনিও বাচ্চা নিয়ে, বৌ আর বোনকে নিয়ে থাকছেন। ওকে শাপ দিতে দিতে চলে গেছে বাবুলাল। ওই যে ছোটবাবু ফিরছেন—ওঁকেই জিগোস কর। ছোটবাবু! শুনবেন একবার?

ছোটলাল এল।

ছোটলাল। কি মধু? তোমাদের খবর ভাল?

আজিজ। ছালাম ছোটবাবু।

ছোটলাল। ছালাম। তোমার জর ছেড়েছে আজিজ?

আজিজ। ছেড়ে গেছে।

কাদেরও আমিরুদ্দীন। ছালাম ছোটবাবু। আপনিও পালাচ্ছেন শুনে মোরা ডরিয়ে গেছি। আপনার দাদা চলে গেছেন নাকি?

ছোটলাল। ছালাম, ছালাম। দাদা চলে গেছেন ভাই। অনেক চেষ্টা করলাম রাখবার জন্ত, কোন কথায় কান দিলেন, তিনি ভীক স্বার্থপর

ভিটে মাটি

মাহুয । দাদার কথা তোমরা ভাবছ কেন কাদের ? এ তো তার বেড়াতে যাওয়ার সামিল । তার টাকা আছে, সহায় আছে, যেখানে যাবেন আরামে থাকবেন । লোকের কথা তো ভাবেন না, কেন থাকবেন হাজারি ? পশ্চিমে তার বাড়ী আছে । বড়বাবু আমার ভাই, কিন্তু আমি তোমাদের জোর করে বলছি কাদের, তিনি বিদেশী, তিনি তোমাদের গাঁয়ের লোক নন । তিনি গাঁয়ে থাকলেও তোমাদের ভরসা করার কিছু থাকত না, তিনি গাঁ ছেড়ে পালিয়েছেন বলেও তোমাদের ভয় পাবার কোন কারণ নেই । গাঁয়ের এই বাড়ী তার একমাত্র ভিটে নয়, গাঁয়ের এক কাঠা জমি তিনি চাষ করেন না ! তার সখ হলে তিনি হাজার বার গাঁ থেকে পালাতে পারেন । কিন্তু তোমাদের সে সখ চাপলে তো চলবে না । তোমাদের পালানো মানে নিজের গাঁ ছেড়ে, ভিটে ছেড়ে, জমিজমা ছেড়ে, গাইবাছুর ছেড়ে, আত্মীয় বন্ধু ছেড়ে বিদেশে যাওয়া । বড়বাবু যেখানে যান, কালিয়া পোলাও খেতে পাবেন । তোমরা জমি না চষলে, ফসল ঘরে না তুললে, তোমাদের খাওয়াবে কে ?

কাদের ; তবে সত্য কথা বলি ছোটবাবু, অত সব হিসাব না করেও যেতে মন চায় না । রাতভোর ঘুমাই নি, ভোরে উঠে ক্ষেতের ধারে গিয়ে দাঁড়িয়েছিলাম । এত যত্নের নিড়ানো ক্ষেতে আগাছা ভরে যাবে ভাবতে গিয়ে মনটা ছ ছ করে উঠল । ফিরে এসে ঘরের দিকে চাইলাম, চাল বেয়ে শিশির পড়তে দেখে মনে হল বাড়ীটা যেন কাঁদছে । কিন্তু কি করি, সবাই পালাচ্ছে দেখে ভয় লাগে ।

ছোটলাল । সবাই পালাবে না কাদের । তুমি যদি না পালাও, সবাই

ভিটে মাটি

পালাবে না। অন্তকে পালাতে দেখে তুমি যেমন ঝাঁকের মাথার পালাতে চাইছ, তেমনি তোমাকে পালাতে দেখে অন্য আর একজনের পালাবার তাগিত জাগবে। কিন্তু তুমি যদি না পালাও, তোমাব দেখাদেখি অন্য দশজনও পালাবে না। মধু পালাবে না কাদের।

কাদের। পালাবে না ?

ছোটলাল। না। শত্ৰু ওকে সঙ্গে নেবার অন্ত কত চেষ্টা কবেছে, বলেছে, ও যদি সঙ্গে যায় সেখানে গিয়েই মেয়ের সঙ্গে বিয়ে দেবে, পনের টাকা অর্ধেক নেবে না। মধু যেতে রাজী হয় নি।

কাদের। তবে কি যাব না ছোটবাবু ?

ছোটলাল। কেন যাবে ? বাড়া ফিরে যাও, আমি আর মধু তোমাদের পাড়ার যাচ্ছি। অন্ত সকলকে বুঝিয়ে ঠেকাতে হবে। সবাইকে বলো গিয়ে, যত গাঁ আছে সব গাঁ ছেড়ে লোক যদি পালাতে আরম্ভ করে, কি অবস্থা হবে ভাব দেখি ? তুমি সবাইকে বুঝিয়ে বলো গিয়ে কাদের, ভয় পেলে চলবেনা। আমরা আসছি। গাঁ ছেড়ে কেউ যাতে না পালায় তার ব্যবস্থা করতেই হবে কাদের।

কাদের। আচ্ছা ছোটবাবু। ছালাম। টাকাটা তুমি তবে ফেরত নাও মধু ভাই। না যদি যাই আজ টাকা না পেলেও চলবে। তোমার সুবিধা মত দিও।

মধু। না, টাকা নিয়েই যাও। আজ হোক কাল হোক তোমার পাওনা মিটিয়ে তো মিটিয়েই হবে।

কাদের। সবাই যদি তোমার মত পাওনা মিটিয়ে দিত, তবে ভাবনা কি ছিল।

ভিটে মাটি

আমিরুদ্দীন। ছোটবাবু। ছোটো কথা বললেন, অমনি তোমার মন ঘুরে

গেল কাদের মিঞা ?

কাদের। ছোটবাবু ঠিক কথা বলছেন।

আমিরুদ্দীন। জীবন ভোর যাদের কথা শুনে কাটল, আজ তাদের কথা হল

বেঠিক। নিজের কাজ বাগাতে ছোটবাবু যা বোঝালেন

ভাঠি হল ঠিক।

আজিজ। ছোটবাবুর কথা আমারও মনে লেগেছে বাপজান।

আমিরুদ্দীন। চুপ থাক। ওসব ছেলেমানুষী কথা তোর মত ছেলেমানুষের

মনেই লাগে। কাদের যাক বা না যাক, আমি যাব ছোটবাবু আজিজকে

নিয়ে। তিন তিনটে যোয়ান ছেলেকে আল্লা ডেকে নিয়েছেন,

আমার আর কেউ নাই। একটা ছেলে যদি তিনি রেয়াৎ করেছেন,

এই বিপদের মধ্যে ওকে আমি রাখব না।

ছোটলাল। যেখানে যাবে সেখানে বিপদ নেই আমিরুদ্দীন ?

আমিরুদ্দীন। বিপদ তো চারিদিকে ছোটবাবু। এখানের চেয়ে সেখানে

তবু বিপদ কম। চল আজিজ, আমরা যাই।

আজিজ। তুমি আগাও বাপজান, আমি আসছি। ছোটবাবুর সাথে

ছোটো কথা কয়ে যাই।

আমিরুদ্দীন। ছোটবাবুর সাথে তোর কিসের কথা ? চটপট সব সেরে

নিরে যেতে হবে না ? কত পথ হাঁটতে হবে খেয়াল আছে ?

আজিজ। যেতে মন চায় না বাপজান। এক কাজ করা যাক। আজ

না গিয়ে দু'দিন বাদে যাব।

আমিরুদ্দীন। ছোটবাবু তোর মাথাও বিগড়ে দিয়েছে ? চল, চল, শীগগির

চল এখান থেকে।

আজিজ । রসুলদের খবরটা জেনে আসি ।

(আমিরুদ্দীনকে কথা বলবার অবকাশ না দিয়ে
দীর্ঘ পদক্ষেপে চলে গেল)

আমিরুদ্দীন । আরে আজিজ । কোথা যাসু ? বদ্ মতলব করবি তো
মেরে তোকে লাশ বানিয়ে দেব । ফিরে আর । ফিরে আর
বলছি ! নাঃ, ছোঁড়া পালিয়ে গেল । সারাদিন হয় তো ঘরে
ফিরবে না । আজ আর যাওয়া হবে না । আপনি যত নষ্টের
গোড়া ছোটবাবু ।

কাদের । আঃ—! কি বলো মিঞা ?

আমিরুদ্দীন । বলব না ? ছেলেটার মাথা ধারাপ করে দিলেন ! নিজের
কাজ নাই, পেছনে লেগেছেন আমাদের ।

আমিরুদ্দীন দ্রুতপদে আজিজের উদ্দেশে চলে গেল

কাদের । ছেলে ছেলে করে লোকটা পাগল ছোটবাবু । যোয়ান যোয়ান
তিনটে ছেলে মরে গেল, শেষ বয়সের এই ছেলেটাকে নিয়ে কি
করবে ভেবে পায় না ।

ছোটলাল । ওরকম হয় কাদের, স্নেহে অনেক সময় মানুষ অন্ধ হয়ে যায় ।

কাদের । ওর ভয় দেখে আরও ভয় পেয়ে গিয়েছিলাম ছোটবাবু । আপনার
সাথে দেখা হয়ে ভালই হল । আমাদের পাড়ায় আসবেন নাকি ?

ছোটলাল । তুমি যাও, আমরা আসছি ।

কাদের । ছালাম, ছোটবাবু । আল্লা, আল্লা ! কি হুদ্দিন, কি হুদ্দিন !

কাদের চলে গেল

ছোটলাল । আমি জানতাম মধু । আমি জানতাম, দাদার অন্ত এ কাণ্ড

ভিটে মাটি

হবে। যারা কোনমতে বুক বেঁধে ছিল, তারা ভয় পেয়ে পালাতে আরম্ভ করবে। দানার হাতে পায়ে ধরতে শুধু বাকী রেখেছি।

মধু। আপনি যে আছেন তাতে লোকে অনেকটা ভরসা পাবে। আপনার জন্তু কাদের যাওয়া বন্দ করল।

ছোটলাল। আমি একা কি করব? এ তো একজনের কাজ নয়। সকলে মিলে একসঙ্গে চেষ্টা না করলে কিছুই করা যাবে না। এইসব সরল অশিক্ষিত লোক দুর্দিনে কর্তব্যের নির্দেশ পাবার জন্তু যাদের মুখ চেয়ে থাকে, এ দেশের যারা শিক্ষিত ভদ্রলোক, তাদের ভেতরটা পচে গেছে মধু। পুরুষানুক্রমে এদেশে তারা জন্মে আসছে, অথচ দেশের সঙ্গে তাদের কোন যোগ নেই

দ্বিতীয় দৃশ্য

ছোটলালদের বাড়ীর সদরের ঘর। পুরোনো পাকা একতলা বাড়ী, প্রাচীনত্বের ছাপ জানালা দরজা দেয়াল সর্বত্রই চোখে পড়ে। দেয়ালে কয়েকখানা বিবর্ণ তৈল চিত্র। ঘর খানা বড়। একদিকে জোড়া দেওয়া তিনটি বড় বড় তক্তপোষ মস্ত ফরাসপাতা, অপরদিকে একটি সাধারণ কাঠের টেবিল এবং তিনটে কাঠের ভারি চেয়ার।

এখন অপরাহ্ন। পশ্চিমের জানালা দিয়ে হেলানো রোদ এসে পড়েছে ফরাসে। পরিশ্রান্ত ছোটলাল একটা মোটা তাকিয়ার হেলান দিয়ে আছে, ফরাসের একধারে বসে রামঠাকুর হাঁকো টানছেন।

রামঠাকুর। চুরুট বল, সিগারেট বল, তামাকের কাছে কিছু নয়। শ্রান্তি দূর করতে তামাক অদ্বিতীয়। এই যে সারাটা দিন দুজনের ছুটোছুটি গেল এ গাঁ থেকে ও গাঁয়ে এ হাট থেকে ও হাটে, দুজনেই আমরা শ্রান্ত হয়ে পড়েছি, কি বল বাবা?

ছোটলাল। সে আর বলতে হবে কেন?

রামঠাকুর। তুমি আধ শোয়া হয়ে বিশ্রাম করছ, আমি বসে বসে তামাক টানছি। পাঁচমিনিট তামাক টেনে আমি চাঁদা হয়ে উঠলাম, তুমি এখনো ঝিমুচ্ছে। তামাক ধরো বাবা, তামাক ধরো। এমন

ভিটে মাটি

জিনিস নেই।

সুবর্ণ ও সুভদ্রা ঘরে এল বাড়ীর ভেতর থেকে।
ছুজনে তারা প্রায় সমবয়সী। সুবর্ণ একটু রোগা,
তার বুকে কাঁথা জড়ানো শিশু। সুভদ্রার স্বাস্থ্য
চমৎকার, দেহের গড়ন অসাধারণ। তার মুখেও
শান্তির ভাব সুস্পষ্ট।

সুবর্ণ। বারটা বেজেছে তোমার ?

সুভদ্রা। সত্যি দাদা, কোন ভোরে বেরিয়েছ, বাড়ী ফিরে এলে বেনা
চারটের। সারাদিন নাওয়া নেই খাওয়া নেই ঘুরে বেড়াচ্ছ,
আবার রাতও জাগবে। কি আরম্ভ করে দিবেছ বলত ?

ছোটলাল। নাওয়া নেই খাওয়া নেই তোকে কে বলল ? রতনপুরের
বড় দীঘিতে নেয়ে দই চিড়ে দিয়ে ফলার করেছি ঠাকুরমশায়ের
সঙ্গে। সুবর্ণ যে অতগুলো কাঁচাগোল্লা দিয়েছিল সঙ্গে, তাও খেয়ে
শেষ করেছি।

সুবর্ণ। সুভদ্রা বহুক্ষণ ফিরেছে। প্রায় দশ মিনিট হবে। কি তারও
ছ'এক মিনিট বেশী। ঘড়ি তোমাদের ভাইবোনের সমান কদমেই
চলছে। এসে চা খেয়েছে, এইবার নেয়ে ভাত খাবে। সন্ধ্যার
আগে নাওয়া খাওয়া চুকিয়ে ফেলতে পারবে মনে হয়। অবশ্য
এর মধ্যে যদি আবার বেরিয়ে না যেতে হয়।

সুভদ্রা। আমি আর বেরোব না। তুমিও কিন্তু আজ আর বেরোতে
পাবে না দাদা।

ছোটলাল। না। যদি যাই তো গাঁয়ের মধ্যেই থাকব, গাঁয়ের বাইরে

যাব না। মেয়েদের ভাব কি রকম বুঝলি সুভদ্রা ?

সুভদ্রা। মেয়েদের নিজস্ব কোন ভাব নেই দাদা। পুরুষদের মনে সে প্রতিক্রিয়া হচ্ছে, মেয়েদের মনে সাদা জাগছে অবিকল সেই রকম। পুরুষদের ভাবনা মেয়েদের জন্ম, মেয়েদের ভাবনা পুরুষদের জন্ম—ছেলেমেয়েরা কমন ফ্যাক্টর। এক বিষয়ে মেয়েদের খুব শক্ত দেখলাম। মেয়েদের ওপর অত্যাচার হবে ভেবে পুরুষদের আতঙ্ক হয়েছে, মেয়েরা বিশেষ ভয় পায় নি। কথাবার্তা শুনে যা বুঝলাম, অধিকাংশ মেয়ের বিশ্বাস, নেহাৎ হাবাগোবা মেয়ে না হলে অত্যাচার করার ক্ষমতা কারো হয় না। মেয়েদের নাকি দাঁত আছে, নখ আছে। মেয়েরা নাকি শিং মাছের মত ধরতে গেলে পিছলে পালাতে পারে। ডোবার পুকুরে গলা পর্যন্ত ডুবিয়ে, বালিতে গর্ত খুঁড়ে, আর ঝোপ জঙ্গলের আড়ালে মেয়েরা নাকি এমন করে লুকোতে পারে যে পাশ দিয়ে হাজার হাজার লোক চলে গেলেও তাদের একজনও পেরে পায় না। পুরুষের বেশ ধরে ধুলোবালি মেখে, পাগলী সেজে, গাছের পাতার রস লাগিয়ে হাতে মুখে বা করেও নাকি মেয়েরা আত্মরক্ষা করতে পারে। এত করেও যদি নিজেকে বাঁচানো না যায়, মরে যাওয়াটা আর এমন কি কাছে!—ছেলেখেলার ব্যপার। ছুটি ছেলেমানুষ বৌ বিষ দেখলে সিঁদুর কোটার ভরে সব সময় আঁচলে বেঁধে রাখে। আর একজন একটা দেশী ক্ষুর ঝাকড়ায় জড়িয়ে কোমরে গুঁজে রেখেছে।

ছোটলাল। তোর নিজের মন থেকে বলতো সুভা। মরাটা কি তোর কাছেও ছেলেখেলার মত তুচ্ছ ?

ভিটে মাটি

সুভদ্রা । সর্বদা নয়, কিন্তু তেমন অবস্থার তুচ্ছ বৈকি । ধরো দশ পনেরটা গুণ্ডা আমার জঙ্গলে টেনে নিয়ে যাচ্ছে, তখন আর কিছু না পাই নিজের দাঁত দিয়ে কামড়ে কামড়ে হাতের আঁটারিটা কেটে ফেলবার চেষ্টা করব বৈকি ।

সুবর্ণ । মাগো মা, কি কথাবার্তা তোমাদের ভাইবোনের ! শুনলে গায়ে কাঁটা দেয় ।

ছোটলাল । গায়ে কাঁটা দিলে আর চলবে না, লক্ষা বাটা লাগার মত গা জ্বালা করাতে হবে । পেলে তোমাকে পেলেও ওরা ছেড়ে কথা কইবেনা ।

সুভদ্রা । তুমি যে রকম সুন্দরী, তোমাকেই বরং আগে ধরবে বোধি । তবে তোমার ভাগ্যে হয়তো ওপরওলা জুটতে পারে । আমার টানাটানি করবে বাজে লোকে ।

সুবর্ণ । আঃ কি যে কর তোমরা ! আমার সামনে এসব বিভৎস আলোচনা করো না ।

ছোটলাল । চোখ কান বুজে থাকলে আর চলবে না সুবর্ণ । কি হচ্ছে আর কি হবে জেনে বুকে নিজের বঁচবার উপায় আগে থেকে ভেবে ঠিক করে রাখতে হবে । পাগলা কুকুর কামড়াবেই, গাছে চড়াটা শিখে রাখা দরকার ।

সুবর্ণ । কেন, লাঠি ।

ছোটলাল । লাঠি কই ? খালি হাতে চাপড় মারলে আরও হস্তে হয়ে বেশী কামড়াবে । হয় তাড়াতে হবে দূর দূর করে, নয় মারতে হবে গলা টিপে । সেতো আর ছুঁর্দশটা গলা বা ছুঁর্দশ হোড়া হাতের

কাজ নয়। সে সময়ও হয়নি এখন। মিলেমিশে গলা সাধতে হবে, হাতে জোর করতে হবে প্রথমে।

সুবর্ণ। সে কত কাল?

ছোটলাল। ষত কাল দরকার হয়। পাঁচ বছর, দশ বছর, বিশ বছর। অবিলম্বে আমাদের কাজ হল ধৈর্য ধরে শাস্ত থেকে সাময়িক বিপদ থেকে নিজের বাঁচানো। কিছুদিন দরকার হলে ওই গাছে চড়তে হবে। পাগলা কুকুরকে কামড়াবার সুযোগ দিয়ে তো লাভ নেই। কি বিভৎস কাণ্ড হচ্ছে চারিদিকে জানো না তো।

সুভদ্রা। জানে না! খোদ সব জানে দাদা, সব বোঝে। ওর কথা শুনো না। কিছু যে জানতে চায় না বুঝতে চায় না বলে সব ওর চং। সেই যে চটি বইটা এনে দিয়েছিলে আমার পড়তে, কাল সন্ধ্যাবেলা লুকিয়ে উনি সেটা পড়ছিলেন। আমি হঠাৎ গিয়ে দেখি, দাঁত দিয়ে ঠোঁট কামড়ে ধরেছে, মুখ লাল, চোখ দিয়ে ঘেন আগুন ঠিকরে বেরুচ্ছে। বাচ্চাটা কাঁদছিল, খেয়ালও নেই। আমি যে তুলে আনলাম বাচ্চাকে, তাও টের পায় নি। একটু পরে আবার গিয়ে দেখি বইটা পড়ে আছে কোনের ওপর, দুই চোখ দিয়ে জল পড়ছে।

সুবর্ণ। ঘুমিয়েছে এতক্ষণে। শুইয়ে দিতে গেলাম। ভাতটাত যদি দয়া করে খান আপনারা, একটু ভাতাভাতি আসবেন কি ভেতরে? আর যদি বন্ধুতার পেট ভরে গিয়ে থাকে তবে অবিশি—

(বলতে বলতে সুবর্ণ ভেতরে চলে গেল)।

সুভদ্রা। আমিও যাই গা ঘুরে ফেলি। তুমি আসবে না দাদা? ঠাকুর-বশার দু'টি ভাত খাবেন তো? কেউ জানবেনা অরাক্ষণের রান্না

ভিটে মাটি

খেয়েছেন।

রামঠাকুর। ডপুরে পেট ভরে খেয়েছি মা, অবেলায় আর খাব না। রাতে

খাইও। তুমিও এখন আর ভাত না খেলে বাবা।

ছোটলাল। খিদে থাকলে তো খাব। ওরা বোধ হয় আসছে সবাই

নকুড়কে নিয়ে।

সুভদ্রা। নকুড়কে কেন?

ছোটলাল। বড় গোলমাল আরম্ভ করেছে লোকটা। অনেক চাল আর

কেরাসিন ছিল, সব লুকিয়ে ফেলেছে। বিক্রি করছে চুপি চুপি,

দশ গুণ দানে। এমন চালাক, বলছে যে হানা দিতে এসে ওর সব

মাল নিয়ে চলে গেছে। সেটা অসম্ভব নয়, গাড়ী বোঝাই দিয়ে মাল

পত্তর অন্তর্গত থেকে লুটে নিয়েছে শুনছি, কিন্তু এ গাঁ থেকে কিছু

নেয় নি জানা কথা। নকুড় ওই ছুতো খাটাচ্ছে।

সুভদ্রা। ব্যাটাকে পিটিয়ে দিও আচ্ছা করে।

ছোটলাল। পেটালে কি কাজ হয়। বরং গাঁয়ের লোক সবাই মিলে না

ছিড়ে ফেলে, তাই সামলাতে হচ্ছে। বুঝিয়ে দেখতে হবে।

সুভদ্রা। বুঝবে কি? ও সব লোক বড় অবুঝ।

মধু, মাখন, আজিজ, কাদের ও অন্যান্য গ্রামবাসীর

সঙ্গে নকুড়ের প্রবেশ। নকুড়ের মুখখানা গোলগাল

তেলতেলা, বোকা ভাল নাহুষের মত চেহারা।

নকুড়। প্রাতঃ প্রণাম ঠাকুরমশায়। অবেলায় হঠাৎ আমাকে স্বরণ করলেন

কেন ছোটবারু?

ছোটলাল। বলছি। বোসো।

ভিটে মাটি

(অনেক তফাতে ফরাসের একপাস্তে নকুড় সস্তপনে
উপবেশন করলে)

তোমার কাছে আমার একটা বিশেষ অনুরোধ আছে নকুড়।
নকুড়। অনুরোধ ছোটবাবু? আপনি হুকুম করবেন।
ছোটলাল। তোমার লুকোনো চাল আর কেরাসিন বার করে ফেলতে হবে
নকুড়। গাঁয়ের লোক লঠন জানাতে পারে নি। প্রদীপ জেলে কোন
মতে চালিয়ে দিয়েছে। যা বাতাস ছিল কাল, প্রদীপ নিয়ে এ ঘর
থেকে ও ঘরে যাওয়া যেতে পারে নি। আমার একটা লঠন জলেছিল,
তাও দশটা বাজতে না বাজতে নিভে গেল।

নকুড়। লুকোনো কেরোসিন কোথায় পাব ছোটবাবু! এক টিন দু'টিন
যা আনতাম সদর থেকে, তাই কিছু কিছু বেচছি। চালান বন্ধ, সব
বন্ধ, মাল পাব কোথা। আপনি যদি বলেন এক বোতল নর পাঠিয়ে
দেব আপনাকে, নিজের জন্ত রেখেছিলাম।

ছোটলাল। কেবল আমাকে দিলে তো চলবে না নকুড়। কেরাসিন
তোমার ঢের আছে আমি জানি। পাঁচ সাতটা গাঁয়ের লোকের
তিনচার মাস চলে এত কেরাসিন তুমি লুকিয়ে রেখেছো।

নকুড়। কে যে আমার নামে এসব কথা রটাচ্ছে জানি না, ভগবান তার
ভাল করুন। তন্ন তন্ন করে তন্নাস করে তো এক ফোটা কেরোসিন
পেলেন না।

ছোটলাল। খুঁজে পাই নি বলেই তো তোমার আমি ডাকিয়েছি। আমি
জানি, কেরাসিন তোমার আছে, কোথায় আছে তাই শুধু জানি না।
টাকাতো অনেক করেছ ভাই, এই দুর্দিনে লোকের কষ্ট বাড়িয়ে

ভিটে মাটি

আর টাকা নাইবা করলে ? কত টাকাই বা হবে ! ভয়ে লোকে, এমনিতেই গাঁ ছেড়ে পালাচ্ছে, কত যে দুর্দশা ভোগ করছে তার হিসাব নেই । তার ওপর তুমি যদি লোকের অসুবিধে বাড়িয়ে দাও, গাঁয়ে বাস করা অসম্ভব করে তোলো, আরও বহু লোকে পালাবে । অনেকে ঘাই ঘাই করেও ঘরবাড়ীর মায়া কাটাতে পারছে না, একটা বাস্তব উপলক্ষ্য পেলেই তাদের মন যাওয়ার দিকে ঝুঁকবে । তুমি সেই উপলক্ষ্য যুগিয়ে না নকুড় ।

নকুড় । আপনি আমার মিছামিছি হুসছেন ছোটবাবু । কেরোসিন লুকিয়ে রেখেছি বলছেন, একটা লুকোনো টিন বার করে আমার ধরে এনে জুতো মারুন, জেলে দিন, কথাটি কইব না ।

ছোটলাল । যারা শুনতে চায়, তাদের এসব কথা শুনিয়ো খুড়ো । অপরাধ প্রমাণ করে শাস্তি দেবার জন্ত তোমার আমরা ডাকি নি । দশ জনের মঙ্গলের জন্ত দশ জনের হয়ে আমি তোমার অনুরোধ জানাচ্ছি । দান করলে লোকের পুত্র হয় । তোমাকে দান করতে হবে না ! লুকোনো মাল তুমি উচিত নামে ছেড়ে দাও, দানের চেয়ে তোমার বেশী পুত্র হবে ।

নকুড় । লুকোনো মাল ! লুকোনো মাল ! বার বার এই এক কথাই বলছেন । কোথায় আমার লুকোনো মাল ? কি মাল ? কার কাছে মাল কিনেছি ? চালের বস্তা আর কেরোসিনের টিন কি আকাশ থেকে আমার উঠানে পড়েছে, না মাটি ভেদ করে উঠেছে ? আমার কি হাজার বস্তা চাল আর হাজার টিন কেরোসিনের ব্যবসা যে অত চাল আর তেল লুকিয়ে ফেলতে পারব ? আমি চিরদিন ছুটকো ব্যাপারী—

ছ'চার বস্তা চাল আনি, ছ'চার টিন তেল কিনি, তাই খুচরো বিক্রী করি। যে পরিমাণ চাল আর তেলের কথা বলছেন, কিনবার মত টাকাই আমার নেই।

ছোটলাল। তুমি কি একদিনে কিনেছ খুঁড়া, অনেকদিন থেকে সঞ্চয় করেছ। বড় বড় চালান এনেছ, সিকি ভাগও বাজারে ছাড় নি। তোমার ধৈর্য আর অধ্যবসারের প্রশংসা করি খুঁড়া, কিন্তু মনুষ্য একটু দেখাও? তোমার তো ক্ষতি কিছু নেই। লাভ তোমার থাকবেই। অতিরিক্ত লোভটা শুধু তোমার ত্যাগ করতে বলছি। নকুড়। বলছেন তো অনেক কথাই ছোটবাবু—আমি অমানুষ, মিথ্যাবাদী, মহাপাপী, লোভী, বলতে আর ছাড়লেন কই! লাভের কথা বলছেন, এ বাজারে চাল ডাল তেল নুন বেচে' কি লাভ করার উপায় আছে ছোটবাবু? লোকসান দিয়ে শুধু কোন মতে টিকে থাকা।

ছোটলাল। ও, তোমার লোকসান যাচ্ছে! কোন মতে টিকে আছি!

স্বামঠাকুর। নকুড় আমাদের ডুবে গেল ছোটলাল। টাকায় সব জিনিষে ছ'টাকা লাভ হচ্ছে না, একটাকা, দেড়টাকা, পৌনেছ'টাকার মধ্যে লাভটা থেকে যাচ্ছে। ক'মান আগে কাদেরের কাছে তিন টাকা মণ চাল কিনেছিল—ঠিক কেনে নি, বাগরে নিয়েছিল, আমার চোখের সামনে সেই চাল সাতগুণ দরে বিক্রিয়ে দিয়েছে।

নকুড়। ঠাকুরমশায়ের তামাসার আর শেষ নেই।

স্বামঠাকুর। আমার তামাসা নয় নকুড়। তোমার তামাসার প্রতিধ্বনি। দশটা গাঁয়ের লোকের সঙ্গে তুমি যে তামাসা জুড়েছ তাই ভাবিয়ে ছ'টো কথা বলেছি আমি। তামাসার কি অন্ত আছে তোমার!

ভিটে মাটি

বাইরের দোকানের পিছন দিকের ঘরটাও দোকান করেছ, দু' দোকানে বিক্রী করছ সামান্য যা কিছু বিক্রী না করলে চলবে না ভেবেছ, তাই। কাউকে বেচছ বাইরের দোকানে, কাউকে বেচছ ভেতরে—একজনের বেশী দোকানে যেতে পারছে না। দাম নিচ্ছ যত খুসী—সাক্ষী থাকছে না কেউ। একে বলছ শুধু তোমায় দিলাম—ওকে বলেছ তোমায় দিলাম।

ছোটলাল। কিন্তু সাক্ষী ওরা সবাই দিচ্ছে খুড়ো। এতো আদালতের সাক্ষী দেওয়া নয়, সবাই বলছে তোমার কাণ্ডের কথা। তুমি লোকসান দিয়ে আড়ত চালাচ্ছ তাও জানতাম না খুড়ো। এবার থেকে তোমাকে যাতে আর লোকসান দিতে না হয় তার ব্যবস্থা করতে হবে আমাদের।

নকুড়। (মুহূ হেসে) আপনি কি ব্যবস্থা করবেন। এর কোন ব্যবস্থা হয় না। যে বাজার, কেনা দামে জিনিষ বেচলে লোকে নেয় না। কিছু কম দামেই সব ছাড়তে হয়।

ছোটলাল। সে আমরা ঠিক করে দেব। জিনিষ কিনতে চেয়ে কেউ আর তোমায় জ্বালাতন করবে না; তোমাকেও আর লোকসান দিতে হবে না।

নকুড়। (সচেতন ও সন্নিগ্ধ হয়ে) কথাটা ঠিক বুঝলাম না ছোটবাবু।

ছোটলাল। কথা খুব সোজা খুড়ো। এ গাঁয়ের বা আশেপাশের কোন গাঁয়ের কেউ আর তোমার কাছে জিনিষ কিনে তোমার ক্ষতি করবে না। এক পয়সার জিনিষ কিনতেও কেউ যাতে তোমার কাছে না যায় সে ব্যবস্থা করব আমরা।

নকুড়। আমার বয়সকট করাবেন ?

ছোটলাল। তোমার ক্ষতি বন্ধ করব। তোমার ভাগই হবে। মাল টাল যদি তোমার লুকোনো থাকত তাহলে অবশ্য তোমার অসুবিধে ছিল। তা যখন নেই, তোর আর ভাবনা কি ! তোমার অজান্তে তোমার দোকানের লোক যদি কিছু মাল লুকিয়ে রেখে থাকে আশে পাশে বেচতে না পেরে হয়তো অন্য কোথাও মরিষে ফেলতে চেষ্টা করবে। সে জন্তে একটু কড়া পাহারার ব্যবস্থাও আমরা করে দেব। তোমার কাছে যেমন দু'এক বছরের মধ্যেও কেউ, কিছু কিনতে যাবে না, পাহারাও তেমনি দু'এক বছরের মধ্যে শিথিল করা হবে না।

নকুড়। এ তো শত্রুতা ছোটবাবু।

ছোটলাল। চালবাজী কথা ছেড়ে তুমি যদি সোজা ভাষার কথা কও খুড়ো, তা হলে আমিও স্বীকার করব, এ শত্রুতা। তুমি দেশের লোকের শত্রু, তোমার সঙ্গে শত্রুতাই করব। কিন্তু একথাও মনে রেখো খুড়ো, শত্রুতা করতে আমরা চাই না। আমাদের শত্রু করা না করা তোমারি হাতে। লুকোনো মালগুলি ছেড়ে দাও অস্ত্র নামে কিছু বিক্রি করো না।

নকুড়। আমার মাল নেই। যা বিক্রি করি, উচিত দামেই করি।

ছোটলাল। তুমি নিজের সর্বনাশ ডেকে আনছো খুড়ো। কেবল আমরা নই, আরও শত্রু তুমি সৃষ্টি করছ চারদিকে। তাদের শত্রুতা যে কি ভয়ঙ্কর হয়ে উঠতে পারে, তোমার সে ধারণা নেই। আমরা তোমার ক্ষতি কিছুই করব না, শুধু তোমার অস্ত্র লাভের

ভিটে মাটি

চেষ্টার বাধা দেব। অন্য শক্ররা তোমার অত সহজে ছাড়বে না খুড়ো। লোকে এমনিতেই মরিয়া হয়ে উঠেছে, তার ওপর তুমি যদি এ ভাবে চালডাল তেলনুন আটকে রেখে, বেশী দামে বিক্রি করে, তাদের জীবন দুর্ভহ করে তোলো, একদিন কেপে গিয়ে চোখে তারা অন্ধকার দেখবে। সেদিন তোমার গোলা মূট করবে, তোমার ঘরে আগুণ ধরিয়ে দেবে, তোমায় টুকরো টুকরো করে কেটে মাটিতে পুঁতে ফেলবে।

নকুড়। আপনার হয় তো তাই ইচ্ছা। সেই চেষ্টাই করেছেন আপনি।

ছোটলাল। তাহলে আর তোমায় ডেকে এনে এসব কথা তবে বলব কেন খুড়ো? আমার ইচ্ছা, আমার চেষ্টার কথা এ নয়। এ হচ্ছে মানুষের মরিয়া হয়ে, হস্তে হয়ে ঙঠার কথা। তুমি তাদের মরিয়া করে, হস্তে করে তুলছো। হাটবাজার, কারবার একরকম বন্ধ তা জানি, মাল চালান একরকম বন্ধ কবে দিয়েছে তাও জানি, কিন্তু যা আছে তা কেন লুকিয়ে রাখছ? আমাদের পাহারা বসার ঠিক আগে ক'রাত তোমার অনেক গাড়া গাঁয়ে এসেছিল, আমরা জানি। কি এসেছিল তাই জানি না। তুমি ভেবে দ্যাখো, বেশী লাভের আশায় খাণ্ড আটকে রাখবে, দরকারী জিনিষ আটকে রাখবে, লোকে উপোস করে অসুবিধা ভোগ করে তা সয়ে যাবে, তা কি হয় খুড়ো?

নকুড়। মাল আমার নেই। কিন্তু মাল যদি থাকত, নিজের মাল নিয়ে যা ধূসী করার অধিকার আমার থাকত না ছোটবাবু? স্থায়ী অধিকার, আইনের অধিকার? আমার পয়সা দিয়ে কেনা জিনিষ

খুসী হলে বেচব, খুসী না হলে বেচব না। যত খুসী দাব চাইব।
কিনবার জন্ত কারো পারে ধরে তো সাধি নি আমি।

ছোটলাল। সেখেক বই কি খুড়ো। এখনো সাধছ! নইলে কেউ
তোমার কাছে কিছু কিনতে ধাবে না শুনে টনক নড়ে গেল কেন?
নকুড়। টনক আমার অত সহজে নড়ে না ছোটবাবু। আমি বলছি স্থায়-
অস্থায়, উচিত অশুচিতের কথা। আমি কারো ধার ধারি না,
কারো চুরি করিনি। আমার পেছনে লাগবেন না ছোটবাবু।

মধু। আর সয় না ছোটবাবু। দে'মশায়ের সঙ্গে কথা করে আপনি
পেরে উঠবেন না। স্থায়-অস্থায় উচিত অশুচিতের কথা নিয়ে
মুখে অত থৈ ফুটিও না খুড়ো। নিজের পাতে ঝোল টানা
সবাই উচিত মনে করে। তোমার নিজের মাল নিয়ে যা খুসী করার
অধিকারের কথা বলছ, সবাই সব বিষয়ে অম্মনি অধিকার খাটালে
তোমায় অস্বাটা কি দাঁড়াবে ভেবে দেখেছ? এক বিষয়েই বলি।
টাকা জমিয়েছো এককাঁড়ি, একটা পুকুরও কাটাও নি বাড়ীতে।
অন্তের পুকুরের জল খাও। যার পুকুর সে যদি আজ তোমার বলে,
আমার পুকুরের জল নিও না? যদি বলে এক কলসা জলের দাম
দশটাকা, খুসী হলে নিও, খুসী না হলে নিও না, নেওয়ার জন্ত
তোমার পারে ধরে সাধিনি? তখন তুমি কি করবে শুনি খুড়ো?

নকুড়। তোর কাছে বসে আবোল তাবোল কথা শুনব।

মধু। দে'মশার আগে তোমাকে একদিন বারণ করেছি। আমার
তুই বলা তোমার সাজে না।

নকুড়। তাই নাকি মধুবাবু? আপনাকে সম্মান করে কথা কইতে

ভিটে মাটি

হবে ? অপরাধ নেবেন না মধুবাবু। আপনি এমন মানী লোক
জানতাম না বলে অমর্যাদা করে ফেলেছি। (উঠে দাঁড়িয়ে)
আমাকে উঠতে হল ছোটবাবু ! ছ'দণ্ড বসে কথা কইবার সময়
নেই। কাল ভোর ভোর নন্দপুর যাব। তার আবার হাজিমা
অনেক। শম্ভুদাসের মেয়ের সঙ্গে কাল আমার বিয়ে ছোটবাবু।

ছোটলাল। তাই নাকি। নন্দপুর যেতে না যেতে এত তাড়াতাড়ি কেন ?
নকুড়। চুকিয়ে ফেলাই ভাল। যে দিনকাল পড়েছে। আপনাকে
নেমন্তন্ন করার স্পর্দা নেই ছোটবাবু। বাবুলালবাবু স্নেহ করতেন,
বাড়ীতে কাজকর্ম হলে গিয়ে পায়ের ধুলো দিয়ে আসতেন। সেই
ভরসাতেই আপনাকে বলা।

ছোটলাল। তোমার বিয়েতে আমি যেতে পারব না নকুড়। ওরকম
ভণ্ডামি করা আমার পোষাবে না।

নকুড়। আমার অদেষ্ট ! তা, মধুবাবু, আপনাকেও নেমন্তন্ন করে যাই।
দয়া করে যদি যান। ঠাকুরমশায়কে ত্রো বলাই বাহুল্য। উনি
পুরোহিত হয়ে সঙ্গেই যাবেন।

রামঠাকুর। পুরুতগিরি আমি ছেড়ে দিয়েছি নকুড়।

নকুড়। আপনিও যাবেন না ঠাকুরমশায় ? আগে যে বলে রেখেছিলেন,
আপনাকে পুরুত না করলে ব্রহ্মশাপ লাগবে !

রামঠাকুর। তোমার বিয়েতে মন্ত্র পড়লে ব্রহ্মশাপ আমাকেই লাগবে নকুড়।
নকুড়। এ কি রকম কথা হল ? আপনাকে পুরুত ঠিক করে রেখেছি,
এখন বলছেন যাবেন না !

রামঠাকুর। যেতে পারব না বাপু। পুরুতগিরি করা রক্তমাংসে মিশে

আছে, কাজে কর্মে ডাক দিলে দেহেমনে ফুটি লেগে যায়।
তোমার বিয়েতে পুরুতগিরি করার ডাক শুনে মনটা কেমন দমে
গেছে, গাটা ঘিনঘিন করছে।

নকুড় ! পুরুত অনেক পাব।

নকুড় চলে গেল

ছোটলাল। ব্যাপারটা একটু খাপছাড়া লাগছে। অজানা অচেনা
খারগায় গিয়ে এত তাড়াতাড়ি শব্দ মেয়ের বিয়ে দিচ্ছে কেন ?

রামঠাকুর। নকুড়ের মুঠোর মধ্যে গিয়ে পড়েছে, ওর কি আব নিভেব বুদ্ধি
কিছু করবার ক্ষমতা আছে ! যা করাচ্ছে নকুড়।

ছোটলাল। কেমন যেন অদ্ভুত মনে হয় লোকটাকে। একদিকে যেমন
ভীক, অন্যদিকে আবার তেমনি একগুঁয়ে। আমার কি মনে হয়
জানেন ঠাকুরমশায় ? টাকার চেয়ে দশটা গানের লোককে জব্দ
করার লোভটাই ওর বেশী। সেই উদ্দেশ্যে মাল লুকিয়ে বেখেছে।
ভেবেছিলাম, বুঝিয়ে বললে বুঝবে। কিন্তু ওর মতিগতিই অগুরকম।
মাল ও সহজে ছাড়বে না।

রামঠাকুর। তাই মনে হল। ও ভাল করেই জানে আপান চেষ্টা করলে
ওর দোকানদারি বন্ধ করে দিতে পারেন, মাল যেখানে জমিয়ে
রেখেছে সেইখানেই সব পচাতে পারেন। শুনে ভরবে-ও গিয়েছিল,
কিন্তু নরম কিছুতে হল না। এসব লোক একেবারে ভাঙ্গে,
মচকার না।

ছোটলাল। হয়তো অন্য কথা ভাবছে। দেখা যাক। একটা ব্যবস্থা
করতেই হবে। ভেবেচিন্তে সবাই পরামর্শ করে ঠিক করা যাবে।

ভিটে মাটি

মাল না সরিয়ে ফেলে সে ব্যবস্থাটা আজ থেকে হওয়া চাই। কাদের, রমুল মিঞাকে কাল সকালে আসতে বোলো তো, মাইতি মশায়ের বাড়ী।

কাদের। বলব।

ছোটলাল। তোমরাও সবাই এসো। আর এক কথা—বিশেষ দরকারী কথা। নকুড়ের ওপর কোনরকম মারধোর গালাগালি কেউ করবে না। সবাই মনে রেখো ভাই, ওরা যেন হানা দিয়ে অত্যাচার করার কোন অজুহাত না পায়, এটা আমাদের দেখা চাই—যত রাগ হোক, যত গা জালা করুক। ঝাঁকের মাথায় কেউ কিছু করব না আমরা।

(ছোটলাল, রামঠাকুর, আর মধু ছাড়া সবাই কলরব করতে করতে চলে যায়)।

ছোটলাল। আমি ভেতর থেকে আসছি।

ছোটলাল ভেতরে যায়

মধু। যাক, নিশ্চিন্ত হওয়া গেল। উঠতে বসতে স্বস্তি হিল না।

রামঠাকুর। বেশ স্বস্তি বোধ হচ্ছে নাকি তোমার ?

মধু। গাঁ ছেড়ে সবাইকে কেনে পালাবার কতবড় লোভটা হিল, বামুন পণ্ডিত মানুষ আপনি, আপনি কি বুঝবেন। চব্বিশ ঘণ্টা নিঃশব্দ মনের সঙ্গে লড়াই করেছি ঠাকুরমশায়। খালি মনে হয়েছে, গেলেই তো হয় নন্দপুর। কার অস্ত, কিসের অস্ত এখানে পড়ে আছি! এবার থেকে নির্ভাবনা হলাম।

রামঠাকুর। মালিকহীন বোঁচকা পড়ে থাকতে দেখলে চোরেরও ওই রকম

ভিটে মাটি

যন্ত্রণাই হয় মধু। মালিক বৌচকা দখল করলে চোর ঘেন বাঁচে।
মধু। যা বলেছেন ঠাকুরমশায়।

(খাবারের থালা হাতে ছোটলাল এল)

ছোটলাল। তোমার কথা ভুলেই গিয়েছিলাম মধু। শিক্ষিত লোকের
মন তো! সুভাকে খেতে দেখে হঠাৎ মনে পড়ল, তুমিও তো
সারাদিন ঘুরেছ, তোমারও খাওয়া হয় নি। (গলা চড়িয়ে) জল
দিয়ে যেও বাইরে একশাস।

(জল নিয়ে সুবর্ণের প্রবেশ)

স্বামঠাকুর। কেমন লাগছে মধু? ছোটলাল খাবারের থালা বয়ে এনে
দিল, বোমা জলের গেলাস এনে দিচ্ছেন? ছোটলোক চাষা তুমি,
চিরকাল উঠানের কোণে পাতা পেতে উবু হয়ে বসেছ, বায়ুন
এসে খাবার ছুঁড়ে দিয়েছে পাতে। দেখিস বাবা, লুচি ঘেন গসার
না ঠেকে, জল খেতে ঘেন বিষম না লাগে। তোর আবার মন
ভাল নয় আজ। আমি আজ উঠি ছোটলাল। সন্কেবেলা আবার
দামোদরের ব্যাগার ঠেলা আছে।

ছোটলাল। হ্যাঁ, বায়ুন। বেলা আর বেশী নেই। আপনার ছেলেকে
বলবেন আজ রাতে তাকে পাহারা দিতে হবে না। সে ঘেন ভাল
করে ঘুমিয়ে নেয়। আজ আরও তিনজন নাম দিয়েছে। আজিও
বলেছে কাল থেকে পাহারা দেবে। ওর বোয়ের অসুখ কমেছে।

সুবর্ণ। ছুঁটো ব্যাচে পাহারা দেবার ব্যবস্থা তুলে দিলে?

ছোটলাল। না, ছুঁটো ব্যাচেই পাহারা দেবে। ওই ব্যবস্থাই ভাল, কারো
সারারাত জাগতে হয় না। মোট এখন চব্বিশজন হয়েছে, এক

ভিটে মাটি

রাতে বারজন করে পাহারা দেবে। ন'টা থেকে দু'টো পর্যন্ত ছ'জন, দু'টো থেকে ভোর পর্যন্ত ছ'জন। ছ'জন করে পাহারা দিলেই চলবে, তার বেশী দরকার নেই। বাকী সকলে রেডি হয়েই যুমোবে।

রামঠাকুর। মরার মত যুমোলেও শিঙেব শব্দ শুনবে বাবা। যে আওয়াজ তোমার ঠাকুদার ওই শিঙের! শুধু ওরা কেন, গাঁ শুদ্ধ লোক আঁতকে জেগে যাবে।

ছোটলাল। সবাই ও শিঙে বাজাতে পারে না। শুনেছি, ঠাকুদা যখন আওয়াজ করতেন মনে হত শ'খানেক বাঘ একসঙ্গে গর্জন করছে। মধু বেশ জোরে বাজাতে পারে। ওর আওয়াজ শুনলে বোঝা যায় আরও জোরে ফুঁ দিতে পারলে কি রকম আওয়াজ হত।

রামঠাকুর। কাজ নেই বাবা অত জোরে বাজিয়ে। তোমাব পাহারাওয়ালারা যতটুকু জোরে বাজাতে পারবে তাতেই যথেষ্ট হবে। তোমার স্বর্গীয় ঠাকুদার সঙ্গে পাল্লা দিয়ে শিঙেতে ফুঁ দেবার চেষ্টা যেন ওরা না করে বাবা, বাধণ করে দিও। ওদের তাহলে সত্যি সত্যি শিঙে ফুঁ কতে হবে।

(রামঠাকুর যাবার জন্তু পা বাড়িয়েছে, আমিরুদ্দীন তার গায়ে প্রায় ধাক্কা দিয়ে প্রবেশ করল। পিছনে পিছনে এল কাদের)।

আমিরুদ্দীন। আল্লাহ কিরে ছোটবাবু, আপনি যদি এমন করে মোর পিছে লাগবে; তোমার আমি জানে মেরে দেব।

কাদের। একটু সমলে কথা বল মিয়া। চোটপাট কর কেন?

ছোটলাল । কি হয়েছে আমিরুদ্দীন ?

আমিরুদ্দীন । কি হয়েছে জিগেস করছো আপনি কোন মুখে ? আমার ছেলের পেছনে আপনি লেগেছো ক্যানো শুন ? ছেলেকে নিয়ে আমি যেখার খুসী যাব, আপনি বারণ করছ কেন ?

ছোটলাল । আমি সকলকেই গাঁ ছেড়ে পালাতে বারণ করছি আমিরুদ্দীন ।

আমিরুদ্দীন । এ চলবে না ছোটবাবু । আপনি এমনি বিগড়ে দিয়েছ, ছেলে মোর কথা শোনে না । আজিজ নাকি রাতে গাঁয়ে পাহারা দেবে ? এসব কি মতলব আপনি দিয়েছো আজিজকে ? বাচ্চা বৌ ঘরে একলা পড়ে রইবে, আজিজকে দিয়ে আপনি রাতভোর পাহারা দেওয়াবে তোমার গাঁয়ে ?

ছোটলাল । গাঁ কি আমার আমিরুদ্দীন । আজিজ কি আমার বাড়ী পাহারা দেবে ? আজিজ পাহারা দেবে তার নিজের ঘরবাড়ী, নিজের বুড়ো বাপ আর বাচ্চা বৌকে । একা নয়, বারজন মিলে পাহারা দেবে, তাদের পেছনে থাকবে গাঁয়ের সব লোক । এতদিন সারারাত নিশ্চিন্ত মনে ঘুমিয়ে এক রাত শুধু কয়েক ঘণ্টা বাইরে এসে তোমার ছেলে পাহারা দেবে, সবার সাথে তোমরাও যাতে বাঁচো—ওর বুড়ো বাপ, ওর কচি বৌ । ওরা হানা দিতে এলে আগে থেকে জানা গেলে কতটা রেহাই হয় সে তো গতবার টের পেয়েছ ? গতবার তবু ভাল ব্যবস্থা ছিল না । এবার আরও আগে আমরা জানতে পারবো—মেয়েদের নিয়ে লুকোতে পারবো । এ ব্যবস্থা তোমার পছন্দ হয় না আমিরুদ্দীন ?

ভিটে মাটি

আমিরুদ্দীন। আপনার ওসব মতলব আমি বুঝি না ছোটবাবু। এমনি করে আপনি আজিজকে গায়ে আটকে রাখতে চাও। খাতার নাম লেখলে, রাতে পাহারা দেওয়াগে, ছেলেমানুষ পেয়ে আপনি ওর দফা নিকেশ করছ। আজিজ পাহারা দেবে না ছোটবাবু। আমি ওকে পাহারা দিতে দেব না।

ছোটলাল। ছেলে তোমার আর ছেলেমানুষ নেই আমিরুদ্দীন। নিজের ভালমন্দ বুঝবার বয়স তার হয়েছে। এতকাল নিজের মতলবে তাকে চালিয়েছ, এবার তাকে নিজের পায়ে দাঁড়াতে দাও? তুমি আর ক'দিন বাঁচবে! তখন কি হবে তোমার আজিজের? মতলব পাবে কার কাছে?

আমিরুদ্দীন। (সগর্বে) আরও বিশ বছর বাঁচব আমি। অনেক ঘোড়ান মরদের চেয়ে আজও গায়ে বেশী জোর আছে ছোটবাবু। লাঠির ঘায়ে আজও দশটা মরদকে ঘায়েল করতে পারি।

ছোটলাল। মরদের মত কথা কও তবে। ছেলেকে মেয়েলোকের মত আড়াল করে না রেখে তাকেও মরদ হয়ে উঠতে দাও।

আমিরুদ্দীন। শোনেন ছোটবাবু। কাল আজিজকে সাথে নিয়ে রমুলপুর যাব। আজিজকে আপনি যদি মানা করবে, ওর মাথা বিগড়ে দেবে একথা সে কথা বলে, আপনাকে আমি দেখে নেব। খুন করে কাঁসি যাব।

কাদের। সমঝে কথা বল মিয়া। চোট কর কেন?

ছোটলাল। নিজের ছেলেকে এত দরদ কর, অন্নের ছেলের জন্য তোমার দরদ নেই কেন আমিরুদ্দীন? আমার খুন করেও ছেলেকে তুমি

ভিটে মাটি

সামলাতে পারবে না। মরদ হবার ঝাঁক তার চেপে গেছে।

মরদের কি করা উচিত সে জেনে গেছে।

কাদের। ধরে বেঁধে ছেলেকে ও হয় তো নিয়ে যেতে পারবে ছোটবাবু।

আপনি বাধা দেবেন না।

ছোটলাল। আমি তো জ্বরদস্তি কাউকে আটকাই নি কাদের।

জ্বরদস্তি কজনকে আটকানো যায় ?

কাদের। ঠিক কথা। কসুর মাপ করবেন ছোটবাবু, আমিও ভেবেচিন্তে

দেখলাম গাঁয়ে আর থাকা উচিত নয়। ওদের সাথে আমিও কাল

চলে যাব। মন ঠিক করে ফেলেছি, আমাকে আর থাকতে

বলবেন না।

ছোটলাল। যা বলার ছিল আগে অনেকবার তোমায় বলেছি কাদের।

কাদের। তাই তো আপনাকে না জানিয়ে যেতে পারলাম না। নয় তো

চুপে চুপে পালিয়ে যেতাম। আপনি সব ঠিক কথাই বলেছেন।

পালিয়ে যাওয়া স্রেফ বোকামি হবে। কিন্তু সবাই যদি থাকে তবে

না গাঁয়ে থাকা যায়। সবাই যদি পালায় দু'চারজন থেকে মুক্তিলে

পড়ব।

ছোটলাল। (চিন্তিতভাবে) হঠাৎ তোমার মত বদলাবার কারণটা ঠিক

বুঝতে পারছি না। সবাই তো পালাই নি কাদের। দু'চার জন

মোটে গেছে।

কাদের। আরও যাচ্ছে। ক্রমে ক্রমে গাঁ খালি হয়ে যাবে। তখন হয় তো

আর পালাবার কুরসৎ মিলবে না। তার চেয়ে সময় থাকতে

পালানোই ভাল।

ভিটে মাটি

ছোটলাল । তাই দেখছি ।

কাদের । (অপরাধীর মত) কসুর নেবেন না ছোটবাবু । যেতে মন
চায় না । গিয়ে কি মুস্কিলে পড়ব ভাবলে ডর লাগে । কিন্তু উপায়
কি বলেন ? ঝাটা তো চাই ।

ছোটলাল । কত চেঁচায় সকলের ভয় অনেকটা কমানো গেছে । তোমরা
গেলে আবার সকলের ভয় বেড়ে যাবে । আবার সবাই দিশেহারা
হয়ে উঠবে । তোমাদের কেন যে—

আমিরুদ্দীন । ওসব শুনতে চাই না ছোটবাবু ।

কাদের । আর কিছু বলবেন না ছোটবাবু ।

ছোটলাল । না, আর কিছু বলব না তোমাদের । রসুলপুরে তোমার
কে আছে আমির ? কার কাছে যাবে ?

আমিরুদ্দীন । আমার জামাই আছে । নাম খলিল । আমাদের খুব
খাতির করে । আমরা গেলে বড় খুসী হবে ছোটবাবু ।

(আজিজের প্রবেশ)

আজিজ । (আমিরুদ্দীনকে) বাড়ী এসো শীগগির । খলিল এসেছে ।

আমিরুদ্দীন । খলিল ? খলিল কোথা থেকে এল ?

আজিজ । রসুলপুর থেকে, আবার কোথা থেকে ?

আমিরুদ্দীন । খলিল এল কেন রসুলপুর থেকে ? আমরা তো যাব
রসুলপুরে তার কাছে ! আমাদের নিতে এসেছে হবে, ঠাা ?

আজিজ । উহঁক্ । পালিয়ে এসেছে । বাপ দাদা সবাইকে নিয়ে ।

আমিরুদ্দীন । আমিনা ?

আজিজ । আরে, সব চলে এল, আমিনাকে কি কৈলে রেখে আসবে ?

ভিটে মাটি

আমিনা এসেছে, বাচ্চাকাচ্চা সব এসেছে। ছোটো বাচ্চার বেদম
জর।

কাদের। ওরা পালিয়ে এসেছে কেন ?

আজিজ। মজিলপুরে খাঁটি পড়েছে মস্ত।

কাদের। মজিলপুর তো দূর আছে রহুলপুর থেকে।

আজিজ। দূর হলে কি হবে, সবাই আরও দূরে ভাগছে।

(আজিজের সঙ্গে আমিরুদ্দীন চলে গেল।)

কাদের। আমি তবে কি করব ছোটবাবু !

ছোটলাল। তুমিও কি রহুলপুর যাচ্ছিলে নাকি ?

কাদের। না, কিন্তু আমি যেখানে যাব সেখান থেকেও সবাই যদি পালিয়ে
থাকে! যার কাছে যাব, গিয়ে যদি দেখি সে নেই! যদি বা
থাকে, আবার দু'দিন পরে ফের সেখান থেকে যদি অন্য কোথাও
পালিয়ে যায়।

ছোটলাল। তুমিই ভেবে দ্যাখো কি করবে ?

কাদের। তবে কি যাব না ছোটবাবু ?

ছোটলাল। তুমিই বুঝে দ্যাখো।

কাদের। ওই আমিরুদ্দীন বলে বলে মনটা বিগড়ে দিয়েছে ছোটবাবু।

ও তো আর যাবে না। আমিই বা তবে কেন যাব মিছামিছি !

ছোটলাল। (হেসে) যেও না।

(একটু দাঁড়িয়ে থেকে উসখুস করে লজ্জিতভাবে
ধীরে ধীরে কাদের চলে গেল)

তৃতীয় দৃশ্য

পূর্বের দৃশ্য । রামঠাকুর লিখছে । সুভদ্রা, সুবর্ণ,
ছোটলাল ও মধু ।

সুবর্ণ । সারাদিন ঠাকুরমশায়কে দিয়ে তুমি কি অত লেখাচ্ছ বল তো ?

ছোটলাল । কতগুলি লিষ্ট তৈরী করতে দিয়েছি ।

সুবর্ণ । কিসের লিষ্ট ?

ছোটলাল । গ্রাম মৈত্রী সজ্জের লিষ্ট । প্রত্যেকটি গ্রামকে যতদূর সম্ভব
আত্মনির্ভরশীল হতে হবে বটে কিন্তু সেই সঙ্গে গ্রামে গ্রামে একটা
যোগাযোগ না থাকলেই বা চলবে কি করে । আমি এই
যোগাযোগটা গড়ে তুলবার চেষ্টা করছি ।

সুবর্ণ । কি রকম যোগাযোগ ?

ছোটলাল । মিলেমিশে পরামর্শ করে বিশেষ অবস্থার জন্য প্রস্তুত হওয়া,
পরস্পরকে সাহায্য করা । সজ্জের প্রত্যেকটি গ্রাম সম্পর্কে
সমস্ত বিবরণ অন্য প্রত্যেকটি গ্রামের জানা থাকবে । লোকসংখ্যা,
বাড়ী ঘরের সংখ্যা, স্বাস্থ্যের অবস্থা, জলের ব্যবস্থা, পথঘাট, যানবাহন
ইত্যাদি সমস্ত বিবরণ । এক গ্রামের খবরাখবর নিয়মিতভাবে
অন্য গ্রামে যাবে । হাতে নানা গ্রামের লোক জড়ো হয়, প্রত্যেক
হাতে সভা করা হবে । মানুষ একা হলে নিজেকে বড় অসহায়
মনে করে । আমার সম্পদ আমার একার—এই কথা ভাবতে
ভাবতে এমন অবস্থা লাড়িয়েছে যে দেশের বিপদ ঘনিষে এলেও না
সেবে পারে না বিপদও তার একার । অন্ধকার পথে অজানা

ভিটে মাটি

অচেনা একজন মানুষ সাথী থাকলে ভীৰু লোকের ও ভূতের ভয় কমে যায়। গ্রামের সকলে মিলেমিশে দুর্দিনকে বরণ করতে তৈরী হয়ে আছে জানলে গ্রামের প্রত্যেকের ভয় কমবে—দশটা গ্রাম মিলেছে জানলে বুকে সাহস জাগবে। সকলের বুকে এই সাহস জাগানো দরকার। গ্রামে গ্রামে প্রত্যেক গৃহস্থকে স্পষ্ট অনুভব করিয়ে দিতে হবে, শুধু তার প্রতিবেশী নয়, নিজের গ্রামের লোক শুধু নয়, বিশ মাইল দূরের অজানা গ্রামের অচেনা অধিবাসীও তার সঙ্গী, তার সহায়—পথ যত অন্ধকার হোক, সব কিছুকে সে ড্যামকেয়ার করতে পারে।

সুভদ্রা। এক গ্রামের লোককে আরেক গ্রামে নিয়ে যাবার কি একটা স্কীম করেছ, ও ব্যবস্থাটা আমি ভাল বুঝতে পারি নি দাদা। এদিকে গ্রাম ছেড়ে যেতে বারণ করছ, আবার ওদিকে গ্রামকে গ্রাম উজার করে অন্য এক গ্রামে নিয়ে যাবার ব্যবস্থাও করছ। কেমন খাপছাড়া ঠেকছে আমার।

মধু। আমিও ভাল বুঝি নি ছোটাবু।

ছোটলাল। কোথায় কি গুজব শুনেছিস, তাই খাপছাড়া ঠেকছে। গ্রামকে গ্রাম উজাড় করে অন্য গ্রামে নিয়ে যাবার ব্যবস্থা কিছুই হয় নি। মানুষ যাতে আরও নিশ্চিন্তমনে মনে নিজের গ্রামে নিজের বাড়ীতে থেকে চাষবাস কাজকর্ম করতে পারে তারই একটা ব্যবস্থা করার চেষ্টা হচ্ছে। অতি সহজ ব্যবস্থা, গ্রাম মৈত্রী সজ্ব গড়ে তোলার ফলে আরও সহজ হয়ে গেছে। সজ্জের একটা নিয়ম—দরকার হলে এক গ্রামের লোক অন্য গ্রামের লোককে আশ্রয় দেবে,

ভিটে মাটি

নিজেদের বেশী অসুবিধা না ঘটিয়ে যত লোককে আশ্রয় দেওয়া যায়। দরকার হলে, সত্যিসত্যি দরকার হলে অবশ্য। মনে কর তোমার বাড়ীতে একখানা বাড়তি ঘর আছে, দরকার হলেই ঘরখানা তুমি শ্রামপুরের একটি পরিবারকে ছেড়ে দিয়ে তাদের সুখ সুবিধার ব্যবস্থা করে দেবে। মনে করবে বাড়ীতে তোমার কোন আত্মীয় এসেছে। কোন গ্রামে কত বাড়তি লোক গিয়ে আশ্রয় নিতে পারে তার মোটামুটি একটা হিসেব আমরা করে রেখেছি। সেই হিসেব মত এক গ্রামের লোককে সরিয়ে অন্য গ্রামে পাঠিয়ে দেওয়া হবে। যদি দরকার হয়—সত্যিসত্যি যদি দরকার হয়।

সুবর্ণ। তোমার মাথা ধরাপ হয়েছে। জানা নেই শোনা নেই কারা কোথা থেকে এসে হাজির হবে, তাদের কুটুমের মত আদর করে বাড়ীতে রাখতে হবে। এ ব্যবস্থায় কেউ রাজী হবে না।

ছোটলাল। সজ্জ এখন তেরটা গ্রাম, প্রত্যেক গ্রামের লোক এ ব্যবস্থা মেনে নিয়েছে। খুব খুশী হয়ে মেনে নিয়েছে, মেনে স্বস্তি বোধ করছে। আশ্রয় দেওয়ার প্রশ্ন তো শুধু নয়, পাওয়ার প্রশ্নও আছে কিনা। যারা হয় তো বাড়ীঘর ছেড়ে শেষ পর্যন্ত পালাবে না, তারাও চায় যে দরকার হলে বাচ্চাকাচ্চা নিয়ে মা বৌ আর বোন যাতে সঙ্গে সঙ্গে একটা নিরাপদ স্থানে চলে বেলে পারে তার একটা ব্যবস্থা থাক। বহু বড়লোকে দূরে পাশ্চমে বাড়ী ভাড়া করে রেখে মাসে মাসে ভাড়া গুণে চলেছে, গরীবের কি ইচ্ছা হয় না তারও ও রকম একটা যাওয়ার যাবগা থাকে? আমাদের ওই রকম একটা যাবার যাবগার ব্যবস্থা সকলের জন্য করা হয়েছে। সকলে

ভিটে মাটি

তাই আগ্রহের সঙ্গে ব্যবস্থাটা বরণ করে নিয়েছে। যে গাঁয়ে হানা দিচ্ছে সে গাঁ ছেড়ে পালানোর হিড়িক উঠছিল, সে ঝাঁক লোকের কিছুতেই যেন কমানো যাবে না মনে হয়েছিল। এই ব্যবস্থার কথা জানবার পর সকলে আশ্চর্য্য রকম শান্ত হয়ে গেছে। তাদের বলা হয়েছে, ঘরবাড়ী ফেলে কেউ পালিও না। তার কোন দরকার নেই। যদি দরকার হয় আমায়ই তোমাদের নিরাপদ স্থানে রেখে আসব। সাত মাইল দূরে এক গ্রামে পালাতে চাইছ সেখানে জলের অভাব আর কলেরার প্রকোপ, আমরা তোমাদের বিশ মাইল দূরের গ্রামে পাঠিয়ে দেব। সেখানে তোমার থাকবার জন্য ঘর ঠিক করা আছে, তুমি পৌছানো মাত্র তোমার জন্য হাঁড়িতে চাল দেওয়া হবে। প্রথমে লোকের একটু ঝটকা বাঁধে। তারপর যখন গ্রামের নাম, গৃহস্থের নাম, বাড়িতে ঘরের সংখ্যা, এই সব বিবরণ লিষ্ট থেকে পড়ে শোনানো হয়, তখন বিগ্রাস জন্ম। মুখের দিকে তাকালে স্পষ্ট বোঝা যায়, একটা কালো পর্দা যেন সরে গেল। অবশ্য, একটু রিস্ক যে নিতে হবে সেটা স্পষ্টই জানিয়ে দিয়েছি। হঠাৎ যদি কোন গাঁয়ে এসে ওরা হানা দেয়, কিছুই টের পাওয়া যায় না আগে থেকে, তবে অবশ্য কিছু করার নেই। তবে একথাটাও ভাবতে হবে যে কবে কোন গাঁয়ে হাজির হবে তাও কিছু ঠিক নেই।

মধু। সবাই ভিটেমাটি আঁকড়েই পড়ে থাকতে চায়। যেতে হবে ভাবলে সবারি মন কেমন করে। একটু ভরসা পেলে, উৎসাহ পেলে, একেবারে বর্ত্তে যায়।

ছোটলাল। ভিটেমাটির মায়া এদেশে সংস্কারের মত, মানুষের অস্থিমজ্জার

ভিটে মাটি

মিশে আছে। সাতপুরুষের ভিটের সন্ধ্যাদীপ জ্বলবে না ভাবলে এদের বুক কেঁপে যায়। সহরের মানুষ বুঝতে পারে না, তাদের ভাড়াটে বাড়ীতে বাস, বড়জোর একপুরুষের তৈলী বাড়ীতে। প্রথম যারা গ্রাম ছেড়ে সহরে যায়, ভিটেমাটির এই টান তাদের সারাজীবন টানে।

সুবর্ণ। তা সত্যি। ছ'এক বছর পরে পরেই বাবা দেশের বাড়ীতে ছুটে যেতেন। কিন্তু ঠাকুরমশায়কে এবার তুমি ছুটি দাও। লিখে লিখে গুর নিশ্চয় হাত ব্যথা হয়ে গেছে।

ছোটলাল। আপনার কতদূর হল ঠাকুরমশায়? কপিগুলি অল্পক্ষণের মধ্যে শেষ করে ফেলতে পারবেন তো?

রামঠাকুর। (মুখ না তুলেই) পাঁচমুকিয়া আর লাটুপুর মোটে এই দু'টি গাঁয়ের লিষ্ট বাকী। আধ ঘণ্টার বেশী লাগবে না।

ছোটলাল। সন্ধ্যা হয়ে যাবে। উপায় কি। আজকেই সোণাপুরের সতীশবাবুকে কপিগুলি পাঠিয়ে দিতে হবে। আপনি এত উৎসাহের সঙ্গে আমার কাজে লেগে যাবেন, ভাবতেও পারিনি ঠাকুরমশায়। আপনি যে বসে বসে এমন কলম পিষতেও পারেন, তা জানতাম না।

রামঠাকুর। না লিখে না লিখে লিখতেই প্রায় ভুলে যেতে বসেছিলাম। কন্মো তো পুঁথি সাননে খুলে রেখে যা মুখে আসে বিড় বিড় করে বলা। অতবড় পণ্ডিত পিতা যে স্কুলে আর বাড়ীতে পড়িয়ে বিজ্ঞা দিয়েছিলেন, এতদিন পরে একটু কাজে লাগল।

ছোটলাল। ফ্যার্সাদ হল রাখাল ছোঁড়ার জন্ত। আজ সকালে শেষ হয়ে যাওয়ার কথা, কিছু না বলে করে ভোরে সে হঠাৎ বাড়ী চলে গেছে।

ওর মার নাকি মরমর অবস্থা ।

রামঠাকুর । মা ওর ভালই আছে । আমিও ছুটে গিয়েছিলাম, শেষ মুহুর্তে স্বর্গের যাবার ভাড়া হিসেবে কিছু পূণ্য আর পায়ের ধুলোটুলো দিয়ে— ব্রাহ্মণের পায়ের ধুলোই পূণ্যের সমান—কিছু যদি আদায় করতে পারি । তা একটা নারকোল, কটা বাতাসা আর পাঁচটি পয়সা দিয়ে যাত্রা শুভ করিয়ে নিলে ।

ছোটলাল । কিসের যাত্রা ?

রামঠাকুর । ছেলেকে নিয়ে পাণাগড় যাবে । এমনি ছ'বার ডেকে পাঠিয়েছিল, ছেলে যায় নি । তাই খবর পাঠিয়েছিল কলেরা হয়েছে ।

ছোটলাল । একবার বলে গেল না । মধুর বাড়ী গিয়েছিলাম, জানত । আমি দশজনকে পালাতে মানা করছি, আমার নিজের লোক এদিকে পালাচ্ছে । এত করে শেখালাম পড়লাম রাখালকে, একবার জানিয়ে পর্যন্ত গেলেনা ।

রামঠাকুর । খবরটা পেয়ে ছোঁড়া একেবারে দিশেহারা হয়ে ছুটে গেছে ।

ছোটলাল । (ক্ষুব্ধভাবে) দিশেহারা হয়ে ছুটে গেছে, না ? একটু কিছু ঘটলেই সকলে দিশেহারা হয়ে যায় । কোনদিন কিছু ঘটে না কিনা, সকলের তাই এই দশা । চোখ কান বুজে কোনমতে খেয়ে পরে নির্ঝিবাদে দিন কাটাতে কাটাতে মনের বাঁধন গেছে আলাগা হয়ে । মার মরমর অবস্থা শুনে মাকে বাঁচাবার জন্তু মরিয়া হয়ে উঠতে পারে না, মা মরে যাবে ভয়ে দিশেহারা হয়ে যায় । আমাদের একি অভিশাপ বলুন তো ? গাঁয়ে পাহারা দেবার জন্তু যখন নাম চেয়েছিলাম, সকলে আঁতকে উঠেছিল ।

ভিটে মাটি

মধু। মুখ্য লোক সব, চিরকাল মার খেয়ে আসছে, অল্পেই ভড়কে যায়।
কথায় কথায় আঁতকে উঠবার ভাব অনেকটা কিন্তু কেটে গেছে।
চূপচাপ হাতগুটিয়ে বসে থাকত, কি করবে জানত না, কিছুই
বুঝত না। কি যে ভাববে কেউ ঠিক করে উঠতে পারত না।
একটু একটু ভাবতে শুরু করেই অনেকে ধাতস্থ হয়েছে।

রামঠাকুর। উর্দ্ধপ্লেয়ার চেয়ে সহজ চিকিৎসা।

মধু। এক হিসেবে সহজ আবার এক হিসেবে ভীষণ কঠিন ঠাকুরমশায়
প্রত্যেকে দশ বিশ গুণা সৃষ্টিছাড়া কথা জিগেস করবে, জবাব দিতে
দিতে প্রাণান্ত। তার আবার অর্ধেক কথার জবাব হয় না।

ছোটলাল। তবু তোমার জবাব ওবা ভাল নোবে মধু। আমি এত পরিকার
আর সহজ করে বুঝিয়ে দেবার চেষ্টা করি, মুখ দেখেই টের পাই
সব কথা মাথায় ঢুকছে না। তুমি জড়িয়ে পেঁচিয়ে সেই কথাই
বল, সবাই মাথা নেড়ে সায় দেয়।

মধু। আমিও মুখ্য, ওরাও মুখ্য, তাই আমার কথা সহজে ধরতে পারে।
ছোটলাল। (হেসে) মনে হল যেন গাল দিল মধু।

মধু। না, ছোটলাল। আপনার কথাই নো আ'ম বলি, একটু অন্তভাবে
বলি। আপনি কত পড়াশোনা করেছেন, কত ভাবেন, সব কথা
নিখুঁতভাবে সাজিয়ে গুজিয়ে বলতে পারেন। এরা জন্মে থেকে
উন্টোপান্টা এলোমেলো করে সা ভাবতে শিখেছে, গুছিয়ে কিছু
বললে বুঝতে পারে না, হাঁ করে থাকে। বেশী বেশী চাষ করা
দরকার কেন কানাতিকে কাল তা অত করে বোঝালেন, লক্ষ্য ক্ষেত্রে
মুগ্ধকলায়ের চাষ করতে বললেন। আ'ম মুখ দেখেই বুঝেছিলাম,

ব্যাটা কিছু বোঝে নি। চালের চালান বন্ধ, ভাত কমিয়ে ডালটাল বেশী খেয়েও মানুষ বাঁচতে পারে, বিশ মণ লঙ্কার চেয়ে একসের মুগকলাই মানুষের বেশী দরকারী, এসব কথা কি ওর মাথায় ঢোকে! ওর মাথায় শুধু ঘুরছে, ক্ষেতে লঙ্কা ভাল ফলে, মুগকলাই সুবিধা হয় না, তবু কেন লঙ্কার বদলিতে মুগকলায়ের চাষ করবে! রাত হলে বাড়ী ফিরে দেখি ধরা দিয়ে বসে আছে। আমার দেখেই ভয়ে ভয়ে বলল, কিছু তো বললাম না মধু। মুগকলাই দিলে যা ফসল হবে, লঙ্কা বেচে তার দু'গুণ বাজারে কিনতে পাব। ছোটবাবু মুগকলাই বুনতে তবে বলেন কেন? আমি বললাম, ওরে গোমুখ্য, শোন। ঘরে তোর আতিথ্ এলো। দু'দিন খায় নি। তুই এক ডালা লঙ্কা আর চাউ ভেজানো মুগ সামনে ধরে জিগেস করলি, ওগো আতিথ্ মশায়, পেট ভরে লঙ্কা খাবে না এই দু'টিখানি মুগ ভেজানো চিবোবে? আতিথ্ কি করবে বল তো? তারপর বললাম, লঙ্কা নিয়ে হাতে বেচতে গেলি, গিয়ে দেখলি হাতে শুধু তুই আছিস আর আছে জগন্নাথের বাপ, কালই বেচতে এসেছে।—

রামঠাকুর। মোটে দু'জন জিনিস বেচতে গেছে, সে কেমন হাট মধু?

মধু। ওমনি করে না বললে আসল কথাটা ওরা ধরতে পারে না ঠাকুরমশায়। শুনুন তারপর, কানাইকে কি বললাম। বললাম, হাতে একজন খদ্দের এল। বাড়ীতে তার চাল বাড়ন্ত, ডাল বাড়ন্ত, গাছের পাতা খেতে হবে এই অবস্থা। তুই খদ্দেরকে ডেকে বললি, নেন্ নেন্, বড় বড় ভাল লঙ্কা নেন, চার আনার বিশ মণ লঙ্কা দেব। জগন্নাথের বাপ তাকে বলল, ভাঙ্গা বোরা পোকায় ধরা কলাই বটে, আট

ভিটে মাটি

আনার এক সের পাবে, খুসী হয় নাও, নয় বাড়ী ফিরে যাও ! খন্দের তখন কি করবে রে কানাই ? চার আনার তোর বিশ মণ লক্ষা নেবে, না আট আনার পোকা ধরা একসের কলাই নেবে ? কলাই না নিয়ে গেলে কিন্তু ছেলেমেয়েকে তার গাছের পাতা খাওয়াতে হবে বাড়ী ফিরে । কানাই তখন বলল, অ ! তবে তো ছোটবাবু খাঁটি কথাই বলেছেন ।

ছোটলাল । এই জন্তুই আমরা দেশের জনসাধারণের কিছু করতে পারিনা, শুধু বক্তৃতা দিয়ে মরি । শেষে রাগ করে বলি, এদের কিছু হবে না, স্বয়ং ভগবানও এদের জন্তু কিছু করতে পারবেন না ।

রামঠাকুর । তা পারেনও নি । অবতার হয়ে কমবার তো ভগবান জন্মান নি এদেশে !

মধু । যা কিছু করার আপনাই করতে পারেন ছোটবাবু । তবে সকলের সঙ্গে মিলেমিশে এক হয়ে করা দরকার, নইলে ফল হয় না । আপনি আমাদের মনের ঘোরপ্যাঁচ বুঝতে আরম্ভ করেছেন, অল্পদিনেই আপনার অড়গড় হয়ে যাবে আমাদের সঙ্গে তখন আমাদের ভাষাতেই কথা কইতে পারবেন ।

ছোটলাল । আট আনা দিয়ে পোকায় ধরা কলাই কনতে বললে কিন্তু চগবে না মধু । এক পয়সা বেশী দাম দিয়ে কেউ কিছু যাতে না কেনে সেই কথাই সকলকে আমাদের বুঝিয়ে বলতে হবে ।

মধু । (হেসে) ওরকম বলায় ক্ষতি হয় না ছোটবাবু । জিনিষের জন্তু বেশী দাম না দেওয়া ভিন্ন কথা, ওটা কানাইকে বুঝতে হলে ভিন্ন ভাবে বোঝাতে হ'ত । ও তখন লক্ষার ক্ষেতে মুগকলাই বুনবার কথা ভাবছে সব কথায় ওই এক ছাড়া অন্য মানে তার কাছে

ছিল না। কানাইকে ডেকে জিগেস করুন, আপনি আর আমি ওকে কি বলেছিলাম। কানাই জবাব দেবে, লঙ্কার বদলে যুগকলাই চাষ করতে বলেছিলাম। তার বেশী একটি কথাও স্মরণ করে বলতে পারবে না।

ছোটলাল। তা ঠিক। এটা খেয়াল হয়েছে, তলিয়ে বুঝবার চেষ্টা কখনো করিনি। বেফাঁস কিছু বলার ভয়ে সর্বদা সতর্ক হয়ে থাকি, ওরা কিন্তু ঠিক মত কথাটি গ্রহণ করে, পণ্ডিতের মত আসল কথাটি তাকে তুলে রেখে কথার মারপ্যাচ নিয়ে তর্ক করে না। কানাই খেয়াল করেনি হাতে মোটে দু'জন লঙ্কা আর কলই বেচতে যার না, শুনেই কিন্তু পণ্ডিতমশায়ের টনক নড়ে গিয়েছিল। এতবড় কথার ভুল! কিন্তু তুমি এবার বাড়ী যাও মধু। সারাদিন অনেক ছুটোছুটি করেছ। তোমার কিছু হলে আমি পড়ব মুস্কিলে।

মধু। আমার কিছু হবে না ছোটবাবু। লিষ্টগুলো সতীশবাবুর কাছে পৌঁছে দিয়ে বাড়ী যাব।

ছোটলাল। কেষ্টকে দিয়ে পাঠিয়ে দেব। তুমি বাড়ী যাও।

মধু। আমি নিয়ে যাই। সোনাপুরে আমার একটু দরকারও আছে।

ছোটলাল। (চিন্তিতভাবে) দু'দিন থেকে তোমার কি হয়েছে বলত? পেটুক যেমন সন্দেশ চায় তুমি তেমনি ছুটোছুটি করার জন্তু কাজ চেয়ে অস্থির হয়ে উঠেছ। এক মুহূর্ত বিশ্রাম করতে হলে ছটফট করতে থাক।

রামঠাকুর। কাল যে শঙ্কুর মেয়ের বিয়ে হয়ে গেল নকুড়ের সঙ্গে।

ছোটলাল। (আশ্চর্য হয়ে) তাই নাকি? এ কথা তো জানতাম না।

ভিটে মাটি

মধু। ভেবেছিলাম, বিয়ের সম্বন্ধ ঠিক ছিল, সেটা ভেঙ্গে গেছে, আর কিছু নয়।

মধু। তা ছাড়া আবার কি? ঠাকুরমশায় তামাসা করছেন।

রামঠাকুর। ঠাকুরমশায়ের তামাসার চোটেই দু'দিনে মুখ চোখ তোমার বসে গেছে। পরশু সন্ধ্যায় নকুড় বিয়ের খবরটা জানিয়ে যাওয়ার পর থেকে গায়ে বিছুটি লাগা লোকের মত তিড়িং তিড়িং নেচে নেচে বেড়াচ্ছে।

মধু। হ্যাঁ, খেয়ে দেয়ে, কাজ নেই, সে অপদার্থ মেয়ের জন্তু নেচে বেড়াব। ভয়ে যে গাঁ ছেড়ে পালায়—

ছোটলাল। তার দোষ কি মধু? শত্রু জোর করে নিয়ে গেলে সে কি করবে।

মধু। গাঁ ধরতে পারল না? বাপের আহ্লাদী মেয়ে, যেতে না চাইলে তার সাধ্য ছিল ওকে নিয়ে যায়। আসলে ওর ইচ্ছে ছিল বড় লোকের বৌ হবে।

রামঠাকুর। সমস্যায় ফেলে দিলে বাপু। ভয়ে না, বড়লোকের বৌ হবার লোভে মেয়েটা গাঁ ছাড়ল—

নকুড়ের প্রবেশ

আরে, বলতে বলতে স্বয়ং নকুড় এসে হাজির যে!

নকুড়। পদ্মাকে কোথা রেখেছিল মধু?

মধু। তুই তোকায়ি কর না দে'মশায়। অনেক বারই তো বলে দিয়েছি।

নকুড়। চোর ডাকাত বজ্জাত হারামজাদা! তোকে আবার আপনি বলতে হবে। শত্রুর মেয়েকে চুরি করে কোথায় লুকিয়েছিল বল শীগগির।

ভিটে মাটি

মধু। (নকুড়ের গলা ধরে) চোর ডাকাত বজ্জাত হারামজাদা আগে
তোমার দাঁত কটা ভাঙবে, গাল দেওয়ার জন্তু—

(মুখে বুঁসি মারতে নকুড়ের একপাটি বাঁধানো দাঁত
ছিটকে পড়ল)

রামঠাকুর। বাঁধানো দাঁত! চুক্‌চুক্‌!

মধু। এ গেল গালাগালির জবাব। এনার জিগেস করব, পদির কি হল।
না যদি বল একুনি সত্যি কথা দে'মশায়—

ছোটলাল। ছেড়ে দাও মধু। লোকে ভাববে গায়ের ঝাল ঝাড়ছ।

(মধু নকুড়কে ছেড়ে দিয়ে সরে দাঁড়ালে)

(নকুড়কে) গায়ে জোর নেই মনে সাহস নেই, রাগ সামলাতে
পার না? কাণ্ডজ্ঞানহীনের মত মানুষকে গালাগাল দাও কেন?
গোড়িয়ো না বাপু, বেশী তোমার লাগে নি। বাইরে বালতিতে
জল আছে, দাঁত কটা ধুয়ে মুখে লাগিয়ে এসো।

(নকুড় দাঁত কুড়িয়ে অক্ষুট কাতর শব্দ করতে করতে
বেরিয়ে গেল)

মধু। কেমন রাগ হয়ে গেল ছোটবাবু। নিজেকে সামলাতে পারলাম না।
ছোটলাল। ওরকম হয়।

মধু। দিদি আর বোঠান দাঁড়িয়ে আছেন মনেই ছিল না।

সুভদ্রা। সহরেপানা শুরু কোরো না মধু। পদ্মার কি হয়েছে জানবার
জন্ত মনটা ছটফট করছে।

স্ববর্ণ। দাঁত লাগাতে কতক্ষণ লাগাচ্ছে ঠাখো!

নকুড় বিদ্রো এল

ভিটে মাটি

ছোটলাল । পদ্মার কি হয়েছে নকুড় ?

নকুড় । কাল সন্ধ্যা থেকে খুঁজে পাওয়া যাচ্ছে না । (কটমট করে মধুর দিকে তাকাল)

সুবর্ণ । খুঁজে পাওয়া যাচ্ছে না ? সে কি !

সুভদ্রা । ক'ল না বিয়ের কথা ছিল তোমার সঙ্গে ?

ছোটলাল । বিয়ে হয় নি ?

নকুড় । (হঠাৎ ক্রুদ্ধভাবে ত্যাগ করে কাতরভাবে) কই আর হল ছোটবাবু, বিয়ের ঠিক আগে মেয়েকে খুঁজে পাওয়া গেল না । (আবার মুখ কালো করে, কটমট করে মধুর দিকে তাকিয়ে) ওর কাজ । নিশ্চয় ওর কাজ । কতকাল থেকে ছ'জনে —

ছোটলাল । এবার মধু তোমায় যত মারুক, আর কিন্তু আমি থামতে বলব না, খুন করে ফেললেও না । বড় বেয়াদপ তুমি, মাথা ঠাণ্ডা রেখে কথা কও ।

রামঠাকুর । বিয়ে হয় নি নকুড় ? চুক্চুক্ । হোক না কলিকাল, ব্রহ্মশাপ কি ব্যর্থ হয় হে বাপু !

ছোটলাল । মধু কিছু করে নি নকুড় । ও কিছুই জানে না । ক'দিন নিশ্বাস ফেলার সময় পায় নি । ওর ক'দিনের চব্বিশঘণ্টার সমস্ত গতিবিধির খবর আমি রাখি ।

নকুড় । ও কি আর নিজেকে গিয়ে শঙ্কুদাসের মেয়েকে নিয়ে এসেছে ছোটবাবু, অন্তকে দিয়ে সরিয়েছে । আগে থেকে যোগসাজস ছিল । ষাটদিন একবার পদ্মা পালিয়ে এসেছিল, শঙ্কু নিজে এসে ধরে নিয়ে যায় । তখনি ছ'জনের পরামর্শ হয়েছিল ।

ছোটলাল । আন্দাজে আবোল তাবোল বোকো না । আর তাও যদি হয় নকুড়, সে মেয়ে যদি ওর দিকে এমন করে ঝুঁকেছে জানো, ওকে তুমি বিয়ে করতে গিয়েছিলে কি বলে ?

নকুড় । আগে কি জানতাম । এসব ওর আমাকে জব্দ করার ফন্দি । আমাকে জব্দ করবে বলে এই বুদ্ধি খাটিয়েছে । নইলে এতদিন মেয়েকে সরাতে পারত না, বিয়ের রাত্রির জন্ত অপেক্ষা করে থাকত ? দশজনের কাছে আমার ঘাতে মাথা হেঁট হয়, সবাই ঘাতে আমাকে টিটকারি দেয়—

রামঠাকুর । তা এমনিতেই সবাই দেয় নকুড় । এবার থেকে নয় একটু বেশী করেই দেবে । চামড়া তোমার মোটা আছে ।

নকুড় । চুপ করুন ঠাকুরমশায় । এর মধ্যে আপনিও আছেন ।

রামঠাকুর । আছিই তো । আমিই তো ব্রহ্মশাপ দিয়ে বিয়েটা ফাঁসিয়ে দিলাম ।

নকুড় । বাজে কথা বলেন কেন ঠাকুরমশায় ? বাজে কথার ধাক্কায় আমাকে ভোলাতে পারবেন না । আপনি সব জানতেন । নইলে পরশু বিয়েতে ঘাবার নেমস্তন্ন ফিরিয়ে দিতেন না । বিয়ে পণ্ড হবে জানা না থাকলে পাওনা গণ্ডার লোভ সামলানো আপনার কন্ঠো নয় ।

রামঠাকুর । তুমি দেখছি ঋগ্বেদেও মহাপণ্ডিত নকুড়, অকাটা বুদ্ধি দিয়ে কথা কইতে জানো । প্রমাণ জ্ঞানও তোমার প্রচণ্ড । প্রমাণ বধন আছে, ধানার নালিশ ঠুকে দাও না ? বিয়ের কনে চুরি করার অপরাধে আমি আর মধু অসময়টা নিশ্চিত মনে জেলে কাটিয়ে দিই ।

তিটে মাটি

এ উপকারটা যদি কর, তোমায় প্রাণ খুলে আশীর্বাদ করব—সুমতি হোক, সুমতি হোক।

নকুড়। (রাগে কাঁপতে কাঁপতে) জেলে না পাঠাতে পারি সত্যে আপনাকে ছাড়ব ভাববেন না ঠাকুরমশার। (মধুক) তোকে আমি দেখে নেব মধু। বাবুলালদাবু থাকলে আজ এইখানে গোর পিঠের ছাল তুলে দিই। বড়বাবু নেই তাই বেঁচে গে'ল। কিন্তু আমি তোকে দেখে নেব।

মধু। (শাস্ত্রভাবে) আরেকবার তুই তোকায় করলে চোখে অঙ্ককার দেখবে

(তার দিকে তীব্র দৃষ্টিতে চাইতে চাইতে নকুড় চলে যাচ্ছিল, মিথির তাকে ডাকল।)

ছোটলাল। একটাকথা শুনে যাও নকুড়। তোমায় অত করে বলেছিলাম, তুমি মোটে পাঁচ বস্তা চাল আর পাঁচ টিন কেরাসিন বার করেছ। বেশী বেশী দাম যেমন নিচ্ছিলে তেমন নিচ্ছ।

নকুড়। এই কি আপনার ওসব কথা বলার সময় হল ছোটবাবু?

ছোটলাল। কথাটা কি কম দরকারী?

নকুড়। আমার আর মাল নেই।

ছোটলাল। আবার তোমায় সাবধান করে দিচ্ছি নকুড়। তুমি নিজের সর্বনাশ টেনে আনছ। সবাই জানে তোমার অনেক চাল আর তেল মজুদ আছে। দশটা গাঁয়ের সবাই শাস্ত্রশিষ্ট সুবোধ ছেলে নয় নকুড়।

নকুড়। চোর ডাকাত গুণ্ডা অনেক আছে জানি। কিন্তু আমি কি করব। আমার আর কিছু নেই। আপনি যদি দশজনকে আমার বিরুদ্ধে

কেপিয়ে মেন—

ছোটলাল। আচ্ছা, তুমি যাও। তোমার সঙ্গে আর তর্ক করব না।

নকুড় চল গেল

সুবর্ণ। কি আশ্চর্য্য মানুষ তুমি! কাল থেকে পদ্মার খোজ নেই,

তুমি তেল আর কেরাসিনের আলোচনা আরম্ভ করলে।

সুভদ্রা। পদ্মার খোজ করা আগ দণ্ডকার দণ্ড।

ছোটলাল। তাই ভাবছি। খোঁজাপুঁজ অশু আরম্ভ হয়ে গেছে নিশ্চয়।

শমু চুপ করে বসে নেই। আমাদেরও খোঁজ করতে হবে। নন্দপুরে

একজন লোক পাঠান দরকার। সেখানে ইতিমধ্যে কোন খোঁজ

পাওয়া গেছে কিনা খবর নেওয়া দরকার। সব বিবরণও ভাল করে

জানা দরকার। (সহানুভূতির স্বরে) আমার কি মনে হয় জানো মধু?

এর মধ্যে পদ্মাকে হয় তো পাওয়া গেছে।

মধু। ও যা কাঠখোটা শক্ত মেয়ে, নন্দপুরে যদি নাও ফিরে থাকে, অন্য

কোথাও কোন আত্মীয়স্বজনের বাড়ী হাজির হয়েছে নিশ্চয়। পুকুরে

ডুবে টুবে মরেছে, আমি তা বিশ্বাস করি না ছোটবাবু। আমার

বিশেষ ভাবনা হয় নি।

ছোটলাল। তা দেখতেই পাচ্ছি।

রামঠাকুর। ভাবনার অভাবে মাথা ঘুরে বসে পড়েছ।

মধু। আপনার হয়েছে ঠাকুরমশায়? হয়ে থাকলে কাগজগুলো দিন।

আমি একবার সোণাপুর ঘুরে আসি ছোটবাবু।

সুবর্ণ। বাহাছরী কোরো না মধু। মেয়েটার খোঁজখবর না নিয়ে তুমি

সোণাপুর ছুটবে কি রকম? সতীশবাবুর কাছে লিষ্ট নিয়ে যাবার

ভিটে মাটি

লোক আছে ।

মধু । সোণাপুর একবার আমার যেতে হবে । সেখানে আমার একটি জানা লোকে, আজ নন্দপুর থেকে ফরার কথা । তার কাছে ধবর জেনে আসব ।

সুভদ্রা । তা হলে যাও । লিষ্টের জন্ত দেবী । দবার নেই, তাড়াতাড়ি গিয়ে ধবরটা নিয়ে এসো ।

রামঠাকুর । আমার হয়ে গেছে । (কতগুলি কাগজ গুছিয়ে ছোটলালের হাতে দিল । ছোটলাল সেগুলি দেখে ভাঁজ করে মধুকে দিল ।) লিষ্ট খুব তাড়াতাড়ি সোণাপুর পৌঁছানো চাই ছোটলাল ।

সুবর্ণ । ঠাকুরমশায়, কিছুই কি আপনাকে বিচলিত করতে পারে না ? কোনদিন দেখলাম না কোন ব্যাপারে আপনার হাসি তামাসার ভাবটা একটু কমেছে । অথচ কোন ব্যাপার যে তুচ্ছ করেন তাও নয় ।

রামঠাকুর । বিচলিত হয়ে পড়ার ভয়েই তো হাসি তামাসা বজায় রেখে চলি, বৌমা । আগে যথেষ্ট বিচলিত হতাম, নিজের ব্যাপারে, পরের ব্যাপারে, সব ব্যাপারে । শেষ পর্যন্ত দেখলাম গরীব পুরুত বামুনের অত বিলাস পোষায় না । তারপর থেকে আর বিচলিত হই না । যদি বা হই, চট করে সামলে নিই ।

ছোটলাল । নকুড় আপনাকে বিপদে ফেলবার চেষ্টা করবে ।

রামঠাকুর । আমাকে । ওর বাপেরও সাধ্য নেই আমার কিছু করে । সে ব্যাটা তবু মরে গিয়ে আসল ভূত হয়েছে, নকুড়টা তো এখনো নিছক জ্যান্ত ভূত । ওর কতটুকু ক্ষমতা !

মধু । আমি যাই ছোটবাবু ।

রামঠাকুর । একটু আস্তে যেও ।

মধু চলে গেল ।

ভিটে মাটি

সুবর্ণ । তুমি যদি ভাল করে খোঁজ না করাও মেয়েটার কালকেই আমি কলকাতা চলে যাব । এদিকে মস্ত মস্ত বক্তৃতা দিচ্ছ, গ্রাম সজ্জ করছ, চারিদিকে ঘুরে বেড়াচ্ছ চরকীর মত, একটা মেয়ে হারালে খুঁজে বার করতে পারবে না !

ছোটলাল । হারিয়েছে কি না তাই বা কে জানে ?

সুবর্ণ । তাব মানে ?

ছোটলাল । কেউ হারালে তাকে খুঁজে বার করা সহজ হয়, নিজেই সে বাস্তু হয়ে ওঠে কিনা যে তাড়াতাড়ি তাকে খুঁজে পাক । পালালে কাঙটা একটু কঠিন হয়ে দাঁড়ায় ।

সুবর্ণ । তাই বলে খোঁজ করবে না ?

ছোটলাল । কবব বৈকি । তবে আমার মনে হয়, পদ্মা নিজেই একটা খোঁজ দেবে আজকালের মধ্যে ।

পদ্মার প্রবেশ । ধূলি ধূসর শ্রান্ত ক্লান্ত চেহারা ।

দেখলেই বুঝা যায় দীর্ঘ পথ হেঁটে এসেছে ।

এই যে বলতে বলতে পদ্মা নিজেই এসে পড়েছে ।

পদ্মা । আমি পালিয়ে এসেছি ।

সুবর্ণ । তা আমরা জানি । বেশ করেছিস । বাপ ধবেবেঁধে যার তার সঙ্গে বিয়ে দিতে চাইলে লক্ষ্মী মেয়েরা পালিয়েই আসে ।

পদ্মা । বাড়ীর জন্ত মন কেমন করছিল ।

রামঠাকুর । তাই বাড়ী না গিয়ে মধু এখানে আছে শুনে ধুলো পায়ে ছুটে এসেছিস বুঝি ?

পদ্মা । বড় ভয় করছে আমার । বাবা আমাকে মেরে ফেলবে একেবারে !

ভিটে মাটি

ছোটলাল। তোর বাবাকে আবি বুঝিয়ে ঠাণ্ডা করব'খন। তুই তো
পালিয়েছিলি কাল সন্ধ্যাবেলা, সারারাত সাগরদিন ছি'লি . কোথায় ?
শম্ভু। পথ ভুলে সমুদ্রে চলে গিয়েছিলাম।
ছোটলাল। শম্ভু মেয়ে তুই। আমাদের হার মানানি। আর ভেতরে আর।
আমার কাছেই তুই থাকনি এখন, তোর বাপ না আসা পর্যন্ত।
শম্ভুকে সঙ্গে নিয়ে স্তূর্ণ ভেতরে গেল।

ছোটলাল। ষাক, একটা ভ 'ন' দু' জন। শম্ভুকে একটা খাব পাঠাতে হবে।
সামঠাকুর। সেও এসে প'ড়ে।

দীর্ঘ শব্দ শব্দ প্রবেশ। তারও ধূনি ধূনির শ্রান্ত ক্লান্ত
মুখ

ছোটলাল। এসো শম্ভু। শম্ভু। এখানে আছে।

(শম্ভু নীচের একটা মাথা হেলির ধীরে ধীরে গিয়ে
শ্রান্তভাবে কবাসে বসল।)

শম্ভুকে কিছু বোলো না শম্ভু।

শম্ভু। ছোটলাল। কেলেকারি? কি আর বলব? কেলেকারি বা হবার হ'লি

শম্ভু। ঠিক লগ্নেব সময় মেয়েকে গ'রে পাওয়া গেল না। বিয়ের
আসরে দশতনের কাছে মাথা কাটা গেল আমার. মাপ চুন কালি
পড়ল। নকুড় আবার রটিয়ে দিন, মধুর সঙ্গে পালিয়েছে।

ছোটলাল। এমন হঠাৎ বিয়ের ব্যবস্থা করলে কেন?

শম্ভু। সে কথা আর বলেন কেন ছোটবাবু। সব নকুড়ের কারসাজি।

ওর ভরসায় গেলাম, গিয়ে বা ফাসাদে পড়লাম বলার নয়।

কোথায় বাই, কোথায় থাকি, চাগভাগ কিনতে পাই না,

গাছতলার উপোস দেবার বোগার হল। শেষে নকুড় বগলে, বিয়েটা হয়ে থাক তাড়াতাড়ি, সব ঠিক করে দেব। ও ব্যাটা বে এত বজ্জাত তা জানহায় না ছোটগাবু।

ছোটগাল। জেনেও তো বজ্জাতের হাতে মেরে দিচ্ছিল।

শমু। কি করি। পনের টাকা অর্ধেক নিয়ে নিয়েছিলান আগেই। চটপট বিয়ে না দিলে টাকাটা ফেরত নেগার কথাও বগতে লাগল। সব দিক দিয়ে ক্ষতি হয়ে গেল ছোটগাবু। বাড়ী হয়ে আসছি, বাড়ীর অবস্থা দেখে চমু স্থি। হয়ে গেছে। জানালার পাট, আলগা বাশ, খুঁটি সব কে নিয়ে গেছে। পূবের ভিটের চাল থেকে নতুন খড় অর্ধেককে সরিয়ে ফেলেছে।

ছোটগাল। জানি। তোমরা বেঁদন গেলে সে দিন রাতেই সব চুরি হয়েছিল। তখনও পাগরা দেবার দলটা ভাল গড়তে পারি নি। যা যাবার সেই রাতেই গেছে, পরে আর একটি কুটোও তোমার চুরি যায় নি।

(সুবর্ণ, স্তম্ভা ও পদ্মার প্রবেশ। পদ্মা মনতার একখানা ভাল শাড়ী পরেছে। শমু একবার মেরের দিকে তাকিয়ে গুম হয়ে বসে রইল। বাপের দিকে ছ'এক পা এগিয়ে পদ্মা দ্বিধা ভবে দাঁড়িয়ে পড়ল। এমন সময় বাইরে একটা গোলমাল শোনা গেল। কাদের ও আকিঙ্ক ধরাধরি করে মধুকে নিয়ে এল। মধুর মাথা কেটে সর্বাস্থে রক্তমাখা হয়ে গেছে।)

পদ্মা। ওগো মাগো, একি হল।

ভিটে মাটি

স্বৰ্ণ । কে মারল এমন করে ?

সুভদ্রা । ইস্ ! বেঁচে আছে তো ?

ছোটলাল । (শাস্তভাবে) বেঁচে আছে । ফাষ্ট এডের বাস্কেটা নিয়ে এস ।

(মধুকে ফরাসে শুইয়ে দিয়ে সে জামার বোতাম খুলে দিল । ফাষ্ট এডের বাস্কেট এনে তুলো দিয়ে রক্ত মুছে শুষ্ক পত্র দিয়ে ব্যাণ্ডেজ বেঁধে দিতে লাগল ।)

শম্ভু । এ নকুড়ের কাজ । নিশ্চয়ই এ নকুড়ের কাজ ।

ছোটলাল । ওকে কোথায় পেলে কাদের ?

কাদের । শিবু তার গাড়ীতে নিয়ে এসেছে । সোণাপুরে যাবার রাস্তায় রায়বাবুদের আম বাগানের ধারে পড়েছিল, শিবু গাড়ী নিয়ে গাঁয়ে ফিরবার সময় দেখতে পেয়ে তুলে এনেছে ।

শম্ভু । নকুড়ের এ কাজ ।

ছোটলাল । (মধুর জামার পকেট থেকে কাগজ বার করে) কাদের এই কাগজগুলো একুনি সোণাপুরে সতীশবাবুর কাছে পৌঁছে দিয়ে আসতে হবে । পারবে তো ?

কাদের । কিসের কাগজ ছোটবাবু ? এই কাগজের জন্ত ওকে ঘায়েল করে নি তো ?

ছোটলাল । না । ভয় নেই কাদের, তোমাকে কেউ ঘায়েল কববে না ।

আজিজ । (সাগ্রহে) আমাকে দিন ছোটবাবু । আমি পৌঁছে দিয়ে আসছি ।

ছোটলাল । তোকে দিয়ে কাজ করলে তোর বাপ যদি আমার খুন করে ?

আজিজ । বাপজান ঠাণ্ডা হয়ে গেছে । আর কিছু বলবে না ।

ছোটলাল। তা হলেই ভাল। (কাগজগুলি আজিঞ্জকে দিয়ে) একুনি গিয়ে

কিন্তু সতীশবাবুকে দেওয়া চাই।

আজিঞ্জ। সোজা চলে যাব ছোটবাবু। পা চালিয়ে চলে যাব।

আজিঞ্জ চলে গেল।

সুন্দর। তুমি কি গো, এঁ যা ? এত কাণ্ডের মধ্যে ওই লিষ্টের কথা তুমি

ভুলতে পারলে না !

ছোটলাল। ভুললে কি চলে ?

চতুর্থ দৃশ্য

বিগল। শব্দ নামে বাড়ীর উঠান ও বারান্দা !
পদ্মা উঠান ঝাঁট দিচ্ছে। চুপি চুপি নকুড়ের
প্রবেশ।

পদ্মা। (অনিচ্ছাসহ ভাবে) বাবা বাড়ী নেই।

নকুড়। তা জানি। গাঁয়ের লোকও অনেকেই গাঁয়ে নেই। সোণাপুরে
মিটিং করতে গেছে। এমন সুযোগ সহজে জোটে না।

পদ্মা। কিসের সুযোগ ?

নকুড়। এই তোমার সঙ্গ মন খুলে দুটো স্বপ্ন ভংগের কথা কইনার সুযোগ।

পদ্মা। তোমার স্বপ্ন ভংগের কথা শুনবার জন্য আমার তো দুঃখ আসছে না।
তুমি মনঃমন্দির পূজা পাঠিয়ে দেব। তাই মরণে' যাও না
অন্য কোথাও ?

নকুড়। আমার সঙ্গ তুই এমন করিস কেন বলতো পদ্মরাণি ! এত
অপমান সহ্যে আমি তো কই তোমার উপর রাগ করতে পারি না ?

পদ্মা। কর'লই পার ? কে হোনার রাগের ধা' ধাবে !

নকুড়। কেন রাগ করিনি জানিস ? তুহ চে'লমানুষ. নিজের ভাগমন্দ
বুঝবার ক্ষমতা তোর নেই। শোণ পদ্ম, তোকে একটা খবর দি'।
এ অঞ্চলে কেউ এ খবর জানে না। শুধু আমি জানি। সদরের
ম্যাজিষ্ট্রেটের সাথেবের নাড়িরগবু ছুঁচার টিন কেবাসিন কিনে রাখবে
বলে শু'লে শু'লে টিন পা'ছ'না, আমি কেনা দাবে তেল বোপার
করে দেওয়ায় খুদী হ'লে চু'প চু'প গোপন খবরটা আমার জানিয়েছে

প্রকাশ পেলো বেচারীর চাকরীটা তো যাবেই জেল হবে যাবে
সাত বছর।

পদ্মা। (বৃহৎ কৌতূহলের সঙ্গে) খবরটা কি ?

নকুড়। আমর বিকেলে এ গীয়ে তাঁবু পড়বে। ওরা আসছে।

পদ্মা। (চেলেনামুখী আগ্রহ ও উত্তেজনার সত্যা ? আসছে ! ছোটবাবুকে
তো খবরটা জানাতে হবে। তুমি একবার যাও না ছোটবাবুকে
জানিয়ে এসো ?

নকুড়। পাগল হয়েছিস নাকি ? আমি বলে তোকে বাঁচাবার জন্য গোপন
খবরটা তোকে বললাম, ছোটবাবুকে জানাবি কি রকম ? জানাজানি
হলে চারিদিকে হৈ হৈ পড়ে যাবে না ? তখন কি আর পালাবার
উপায় থাকবে !

পদ্মা। তুমি কেমন মানুষ গো দে'মশার ? যারা তোমার এত করলে,
ধনপ্রাণ বাঁচালে, তোমার, তাদের বিপদে ফেলে পালাবে ? পালাবার
অনুবিধে হবে বলে খবরটা জানাবে না ?

নকুড়। ছোটবাবু আর মধুকে জানাব ? যারা আমার সর্বনাশ করেছে।

পদ্মা। পোকা পড়বে তোমার মুখে। সবাই যখন হুলা করে সেদিন
তোমার দোকান আড়ৎ ঘরবাড়ী লুটতে গিয়েছিল, কারা গিয়ে
বাঁচিয়েছিল তোমার ? কাঁপতে কাঁপতে কার পায়ে ধরে বাঁচাও
বাঁচাও বলে কেঁদেছিলে ? তোমার লোক ক'দিন আগে পেছন
থেকে লাঠি চালিয়ে ঠীক জেঠার ছেলের মাথা কাটিয়ে দিয়েছিল,
তোমার বিপদে তাও সে মনে রাখে নি। ওরা গিয়ে না পড়লে
তোমার সেদিন কি অবস্থা হত দে'মশার ? সব লুটেপুটে নিয়ে

শিটে. মাটি

ঘরদোর আশুগ ধরিয়ে তোমায় খুন করে সব চলে যেত । কি রকম
ক্ষেপে ছিল সবাই ছাথো নি ?

নকুড় । কে ওদের ক্ষেপিয়েছিল শুনি ? মাল লুকিয়ে রেখে ওদের দুর্বস্থার
একশেষ করেছি বলে বলে কে ওদের মাথা খারাপ করে দিয়েছিল ?
তিন চার হাজার টাকা লোকসান গেছে আমার । কত চেষ্টায় কিছু
চাল আর তেল সংগ্রহ করে রেখেছিলাম, ভেবেছিলাম আস্তে আস্তে
বেচে কিছু পয়সা করব । ছোটবাবু আর মধু আমার সর্বনাশ করলে,
বিলিয়ে দিতে হল সব ।

পদ্মা । বিলিয়ে দিতে হল কি গো ? ছোটবাবু না নগদ টাকা দিয়ে সব
কিনে নিলে তোমার ঠেয়ে ? নিয়ে বিক্রীর জন্তে ব্রজ শা'র দোকানে
জমা রাখলো ?

নকুড় । তুই বড় বোকা পদ্ম । চার হাজার টাকা লাভ হলে রাণীর হালে
ভোগ তো করতি তুই । আর মাস ছ'য়ের মধ্যে তলে তলে সব
মাল বেচে দিয়ে টাকাটা গুছিয়ে নিয়ে তোকে সঙ্গে করে চলে যেতাম
সেই পশ্চিমে । তোর কপালে নেই, আমি কি করব !

পদ্মা । ছ'মাস ধরে বেচতে ? তবে যে বললে ওরা এসে পড়ছে ?

নকুড় । পড়ছেই তো । ও ছিল আমার আগের মতলব । খবরটা পেলাম
বলেই তো যেচে ছোটবাবুকে সব বেচে দিলাম । ও মাল আর
হচ্ছে না, ছয়লাপ হয়ে যাবে ।

পদ্মা । উল্টাপাল্টা কতই গাইলে এইটুকু সময়ের মধ্যে ! তোমার একটা
কথাও সত্যি নয় । সব কথা বানিয়ে বললে । সেদিন 'আর নেই
গো দে'মশায়, যা খুসী গুজব রটাবে আর চোখ কান বুজে সব বিশ্বাস

করব। কি করে কাঁকি ধরতে হয় সুভান্দি আখাদের শিথিরে দিয়েছে। ছোটবাবুর কাছে কেনে কেনে ঘাট মেনেছিলে বলে এতক্ষণ কথা কইলাম তোমার সঙ্গে, হীরু জেঠার ছেলের তুমি মাথা ফাটিয়েছিলে তবু। এবার যাও দে'মশায়।

নকুড়। চল একসঙ্গেই যাই। আর দেয়া করা সত্যি উচিত নয়। তোকে হাঁটতে হবে না, ঘরের পেছনে আমবাগানে পাক্কী এনে রেখেছি।

পদ্মা। (সোজা হয়ে দাঁড়িয়ে আঁচলের খুঁটে বাঁধা বড় একটি ছইস্ল হাতে নিয়ে নাড়াচাড়া করতে করতে) আমার ধরে নিয়ে যেতে এসেছ ?

নকুড়। ছেলেমানুষ, নিজের ভালমন্দ বুঝবার বয়স তোর হয় নি। মিথ্যে বলি নি পদ্মা, আজ ওরা এসে পড়বে। গাঁকে গাঁ উজার করে দেবে, মেয়েদের ধরে নিয়ে যাবে। কেউ কি বাঁচবে ভেবেছিস ?

পদ্মা। তুমি নিশ্চয় বাঁচবে। হাতে পায়ে ধরে তুমি কাঁদতে আরম্ভ করলে তোমায় ওরাও মারতে পারবে না। দলে ভর্তি করে নেবে—জুতো সাফ করার জন্ত।

নকুড়। তামাসার কথা নয় পদ্মা। আজ মাঝরাতে হয় তো সব এসে পড়বে, বিছানা থেকে তোকে টেনে নিয়ে যাবে, বিশ পঁচিশ জনে মিলে অত্যাচার করবে, তারপর উলঙ্গ করে গাছের সঙ্গে বেঁধে পুড়িয়ে মেরে ফেলবে। কেউ তোকে বাঁচাতে পারবে না। আমার সঙ্গে চল, কাশী গিয়ে থাকব ছ'জনে, চাকর দাসী রেখে দেব, গা ভরা গয়না দেব, দামী দামী কাপড় দেব, রাণীর মত সুখে থাকবি।

পদ্মা। তুমি বড় বোকা দে'মশায়। বোকায় মত ভয় দেখালে। রাণীর মত সুখে থাকবার জন্ত যদি বা তোমায় সঙ্গে যেতাম, বাবাকে

চিঠি মাটি

ও তাবে মরতে রেখে তো যেতে মন উঠবে না ।

নকুড় । তোকে যেতে হবে । একু'ন যেতে হবে । নিতে যখন এসেছি,
না নিয়ে যাব না ।

পদ্মা । না গেলে ধরে নিয়ে যাবে তো গায়ের জোর ? একা এসেছ, না
লোক আছে সঙ্গে ?

নকুড় । লোক আছে । জোর জবাবদস্তি করতে চাই না বলে তাদের
বাড়ীর মধ্যে আনি নি । নিজের হেঁচতেই তুই চল পদ্মা, কটা
ছোট জাতের লোক তোকে ধোবে, আমার তা ভাল লাগ না ।

পদ্মা । ডাকো না তোমার লোককে, আমার ছাঁবার চেষ্টা করুক ।

নকুড় । (পদ্মার নির্ভয় নিশ্চিন্ত ভাব দেখে একটু ভড়কে গিয়ে) কি করবি
তুই ? কি তোর করার ক্ষমতা আছে ! ডাকলেই ওরা এসে মুখে
কাপড় গুঁজে ধরে নিয়ে যাবে । কি করে ঠেকাব তুই ? তোর
বাবা বাড়ী নেই, গায়ে চ'চাঁরজনের বেশী পুরুষ নেই । কে তোকে
উদ্ধার করতে আসবে ? (সন্দেহভাবে) তোর হাতে ওটা কি ?

পদ্মা । অস্ত্র । তোমার মত এমনি ভাবে এসে কেউ যাতে আমাদের মুখে
কাপড় গুঁজে ধরে নিয়ে যেতে না পারে সেইজন্য সূভাদিন এই অস্ত্র
দিয়েছে । গায়ের সব মেয়েকে একটি করে দেওয়া হয়েছে ।
তোমার বৌ থাকলে সেও একটা পেত ।

নকুড় । কি অস্ত্র ? পিস্তল নাকি ?

পদ্মা । পিস্তল নয়, বাঁশী । আমাদের বাড়ীটা অস্ত্র সবার বাড়ী থেকে
একটু দূরে কিনা, তাই আমার সব চেয়ে বড় বাঁশীটা দেওয়া হয়েছে ।
পাড়ার যাদের ঘেঁষাঘেঁষি বাড়ী, তাদের ছোট টিনের বাঁশী,—সক

ভিটে মাটি

আগর'জ বেরোয়। আমার এ বাঁশীটা সময় পোক কেনা, চিনের বাঁশীগুলো বানিয়েছে মদন কাম্বোকার। একদিনে ও তিন কুড়ি বাঁশী বানাতে পারে।

নকুড়। বাঁশী! তাই বল।

পদ্মা। বাঁশী বলে গেরাহি হল না বুঝি? আমি এটা মূল তুললে কি হবে জানো? এদিকে ফেস্তু, বকুল, পদাপিনী, মনোর মা, এদিকে ছুতোর বৌ, মাখনের মা, আন্নাবানী, তার ওই পশ্চিম বিধু, কৈবতী, মালতী ওরা সবাই শুনতে পাবে। সঙ্গে সঙ্গে আঁচলে বাঁধা বাঁশী মুখে তুলে ফুঁ দেবে, নয় তো, শাঁখ বাজাবে সেই বাঁশী শুনে দূরে দূরে যত বাড়ী আছে সব বাড়িতে বাঁশী আর শাঁখ বাজতে থাকবে। সারা গায়ে চৈ চৈ পড়ে যাবে এক দণ্ডে। পুরুষ যারা আছে ছ'দশজন তারা লাঠিসোটা নিয়ে আর মেয়েরা আঁশবটি নিয়ে ছুটে এসে তোমাদের দফা নিকেশ করবে। তার মধ্যে আমিও তোমাদের ছ'একজনের দফাটা নিকেশ করে রাখব।

নকুড়। তুই তবে যাবি নে পদ্মা? সত্যি যাবি নে? পাকী ফিরিয়ে নিয়ে যাব?

পদ্মা। তাই যাও ভালর ভাগ্য।

(নকুড় তবু একমূহূর্ত্ত ইতস্ততঃ করল। লোভাতু ' চোখে পদ্মাকে দেখতে দেখতে সে যেন হঠাৎ তাকে আক্রমণ করে মুখ চেপে ধবার সম্ভাবনার কথাই বিবেচনা করতে লাগল। তারপর পদ্মার বাঁশী ধরা হাতটি ধীরে ধীরে মুখের দিকে এগিয়ে যাচ্ছে দেখে

ভিটে মাটি

(তার যেন চমক ভাঙ্গল। আরও এক মূর্ত্ত পদ্মার দিকে তাকিয়ে থেকে সে চলে গেল।)

পদ্মা। (আপন মনে) মনে করেছনান খুভাদিদির সব ছেলেমানুষী, এ ছেলেখেলার বাঁশী কোন কাজে লাগাবে না। কাজে তো লাগল! বাজিয়ে দিলে হত বাঁশীটা. বুড়োর কিছু শিক্ষে হত। ব্যাটা লোক দিয়ে পেছন থেকে লাঠি মেরে সে মানুষটার মাথা ফাটিয়েছে! থাক গে, মরুক। পাগলামি যা করছে, আমার জন্মেই তো। মাথা খারাপ হয়ে গেছে। রাগ ও হয়, মায়াও হয় বুড়ো ব্যাটার জন্মে।

(ছইসল ও টিনের বাঁশীর আওয়াজ শুনে উৎকর্ণ হয়ে)

বাঁশী বাজছে না? কার বাড়ীতে আবার কি হল! আমাকেও তো বাজাতে হয়! (সজোরে ছইসেলে ফুঁ দিল) আঁশবটি নিয়ে যাব নাকি? নিয়েই যাই, ছ'এক কোপ যদি বসাতে পারি কোন হতচ্ছাড়া চোর ডাকাতকে।

(পদ্মা বাইরে যাবার উপক্রম করতে নকুড়ের গলায় কাঁধের উড়ানিটি বেঁধে রামঠাকুরে তাকে টানতে টানতে নিয়ে এল। রামঠাকুরের হাতে মোটা একটি লাঠি।)

রামঠাকুর। ধরেছি পদ্মা। চোরের মত বাড়ী থেকে বেরিয়ে পেছনে আমবাগানে পাঁচ ছ'টা ষণ্ডা ষণ্ডা লোকের সঙ্গে কিসফাস করছিল। হাঁক দিতেই তারা ভেগেছে। ভাগবে আর কোথায়, যে শ্রামের বাঁশী বাজিয়ে দিয়েছি। গিঘীর বাঁশীটা জন্মে কোমরে

গোঁজা ছিল !

পদ্মা । করেছ কি ঠাকুরমশায় ? এখনি যে গাঁয়ের মেয়ে পুরুষ ছুটে এসে
জড়ো হবে । দে'মশায় বিদেয় নিয়ে চলে যাচ্ছিল যে ।

নকুড় । ও পদ্মা, বাঁচা আমার । গলার ফাঁস লাগল ! (রামঠাকুর
উড়ানি খুলে নিতে) সবাই এলে বলিস কিছ আমি কিছু করি নি,
আমি চলে যাচ্ছিলাম । গোড়াতেই স্পষ্ট করে বলিস পদ্মা । তোর
বলতে বলতে যেন কেউ কোপটোপ না বসিয়ে দেয় ।

রামঠাকুর । রাম, রাম ! বিদেয় কারা কান্দতে এসেছিস তাকি জানি
আমি ! বাজা বাজা শ'খটা বাজা শীগগির ।

(পদ্মা শ'জ মুখে তুলে তিনবার বাজালো । চারিদিকে
বাঁশীর শব্দ মিলিয়ে গেল ।)

নকুড় । তিনবার শ'খ বাজালো কেউ আসবে না নাকি ?

পদ্মা । আসবে । বাঁশী যখন বেজেছে পাড়ায় যারা পাহারা দেয় তাদের
একজন খোঁজ নিতে আসবেই । সঙ্গে শ'খ এনে তুমিও তো
তিনবার বাজিয়ে দিতে পারতে !

নকুড় । তা দিতাম না পদ্মা, দিতাম না । আমি তোর অনিষ্ট করতে
চাই নি । তোকে আমি ছেলেবেলা থেকে স্নেহ করি পদ্মা ।

রামঠাকুর । কার ছেলেবেলা থেকে ?

মধুর প্রবেশ । মাথায় এখনো তার ব্যাণ্ডেজ বাঁধা ।
হাতে মোটা একটা লাঠি । সঙ্গে ছোটগাল, কাদের,
আমিরুদ্দীন, আকর ও শবু ।

শবু । কি হয়েছে পদ্মা ?

পদ্মা । দে'মশায় আমার কোন অনিষ্ট করতে না চেয়ে একটা পাকী আর

তিটে মাটি

- পাঁচ সাত জন ষণ্ডা গোছের লোক সাথে নিয়ে এসেছিল—
নকুড় । আমি তোর কিচ্ছুই করিনি পদ্মা !
পদ্মা । ভয় পাচ্ছ কেন দে'মশায় ? আমি কি বলেছি তুমি কিছু করেছ ?
তারপর আমার কোন অনিষ্ট না করেই দে'মশায় চলে যাচ্ছিলেন,
ঠাকুরমশায় দেখতে পেয়ে বাঁশী বাজিয়ে গলায় গামছা দিয়ে টেনে
এনেছেন ।
রামঠাকুর । গামছা নয়, উড়ানি । পূজোর ফুল পাতা নৈবিদ্য বাঁধা হয়,
এ উড়ানি অতিশয় পবিত্র । গলায় দিলে কারো অপমান হয় না ।
স্পর্শে বরং পুণ্য হয় ।
মধু । দুর্ন্যতির কি তোমার শেষ নেই দে'মশায় ? কখনো ভুলেও সোজা
পথে চলতে পার না ? মাঝে মাঝে সাধ যায় তোমার মনটা কি
দিয়ে গড়া তাই দেখতে । আধ পেটা খেয়ে দিন কাটত, নিজের
চেঁটায় অবস্থা ফিরিয়েছ, ঘরবাড়ী টাকা পরস্যা লোকজন কোন কিছুর
অভাব তোমার নেই । দুঃখকষ্ট সয়ে উন্নতি করার কথা বলতে
লোকে তোমার কথা বলে । তুমি তো অপদার্থ নও । বুদ্ধিমান
লোক তুমি । সাধ করে কেন বাঁকা পথে চলে অন্তায় কাজ কর ?
ভাল কর না কর, পরের ধানে মই না দিয়ে শুধু মানিয়ে
চললে দশজনে তোমার নাম করত, খাতির করে চলত
তোমায় । তার বদলে অন্তায় কাজ তুমি করেই চলেছ একটার পর
একটা । তিন গাঁয়ের মানুষ এক হয়ে তোমার ঘরছয়ার জালিয়ে
তোমাকে খুন করতে গেল, গাঁয়ের বাস তুলে তোমার দেশছাড়া
হতে হচ্ছে, তখনও তোমার এট মতিগতি !
নকুড় । (তেজের সঙ্গে) তুই আমাকে তব্ব কথা শোনাস্ না মধু ।

ভিটে মাটি

মধু। আবার তুই তোকারি আরম্ভ করলে ?

নকুড়। মারবি ? আয় মধু, মার। আর তোকে আমি ভয় করি না।
তোর বাহাদুরী ঢের সয়েছি, আর সহিব না। আয় এগিয়ে, এই
বুড়ো বয়েসে তোর সঙ্গে আজ আমি হাতাহাতি মারামারি করব।
আয় বলছি পাঞ্জী বজ্জাত হাবামজানা—গাল দিলাম যাতা বলে,
মারমুখো হয়ে আয় দিকি একবার। তুই একটা ছোরা নে, আমার
একটা ছোরা দে। একটা হেস্তনেস্ত হয়ে থাক তোতে আমাতে।
কইরে শয়ার আয় ? আজ যে বড় গাল শুনেও রাগ হচ্ছে না
তোর ! বাপ তুলে গাল দেব ?

মধু। মুখ সামাল দে'মশায় !

নকুড়। তোর ভয়ে ? গায়ে তোর জোর বেশী বলে ? গাঁয়ে মেয়েগুলো
পর্যন্ত ভয় ডর ভুলেছে, কোমরে ছোরা গুঁজে বুক ফুলিয়ে দাঁড়িয়েছে,
আমি পুরুষ হয়ে তোকে ডরাব ? নে, গাল আর দেব না কিন্তু খুন
তোকে আজ আমি করব মধু। নষ তোর হাতে আজ খুন হব।
তুই আমাকে সাতপুরুষের ভিটে ছাড়া করেছিস, কুকুর বেড়ালের
মত আমার গাঁ ছেড়ে পালাতে হচ্ছে, তোকে যে জ্যান্ত রেখে
যাচ্ছিলাম কেন তাই ভাবি। লাঠি, ছোরা, রামদা, বা খুসী একটা
নে মধু, চ' ছুজনে বাগানে যাই।

শম্ভু। কেন মাথা গরম করছ দে'মশায় ? রওনা হয়ে বেরিয়েছ বাড়ী
থেকে, যেখানে যাচ্ছিলে চলে যাও।

কাদের। কত বড় খারাপ মতলব নিরে এ বাড়ী ঢুকেছিলে, ভুলে গেছ এরি
মধ্যে ? জ্বলে না দিবে তোমার এনারা ছেড়ে দিলে। তুমি
আবার হত্বিত্ত্বি করছ !

রামঠাকুর। এ লোকটা কি !

ভিটে মাটি

নকুড়। (সকলের মস্তব্য অগ্রাহ্য করে, রামঠাকুরের হাতের লাঠি কেড়ে

নিরে) বাপের ব্যাটা যদি হোস মধু, লাঠি নিরে বাগানে চল।

মধু। (হেসে) চলো। এত যদি লাঠি চালাতে জান দে'মশায়, পেছন থেকে লাঠি মেরে জখম করেছিলে কেন? সামনাসামনি আসতে পার নি সেদিন?

নকুড়। আমি লাঠি মারি নি। আমার লোক মেরেছিল। আজ সামনাসামনি মারব।

পদ্মা। (মধুকে) যেও না তুমি। দে'মশায়ের মতলব আমি বুঝেছি। তোমার হাতে খুন হয়ে তোমাকে ফাঁসি দেওয়াতে চায়।

মধু। এত কাণ্ড করেও তোমার সাধ মিটল না? যাবার আগে আবার একটা হাঙ্গামা করতে চাও?

নকুড়। আমি যদি না যাই!

রামঠাকুর। সেকি হে? পক্ষী বেয়ারা সঙ্গে নিয়ে তুমি না বিদায় কাগা কাঁদতে এসেছিলে? এখন যাব না বলছ কি রকম?

নকুড়। কেন যাব? আমার সাতপুরুষের ভিটে মাটি ছেড়ে আমি যাব কেন? কি করেছি আমি!

রামঠাকুর। তা বটে।

নকুড়। নিজের পয়সা দিয়ে জিনিষ কিনেছি, আমি তা মাটিতে পুঁতে রাখি, জমলে লুকিয়ে রাখি, খানা ডোবার কেল দিই, তোমাদের বলবার কি অধিকার আছে? আমার অম্মায় কোথায়! যার পসরা নেই, যে কিনতে পারে না, সে এসে ভিক্ষে চাইল না কেন, আমি ভিক্ষে দিতাম। গায়ের জোরে ইচ্ছামত দাম দিয়ে কিনবার কি অধিকার আছে তোমাদের?

সকলে হেসে কলে, পদ্মা গুঁক। নকুড় চেয়ে থাকে উন্মাদের মত বিভ্রান্ত দৃষ্টিতে।

পঞ্চম দৃশ্য

আসন্ন সন্ধ্যা। গ্রামের পথ, কাছাকাছি কয়েকখানা
খড়ে ছাওয়া মাটির ঘর। একদিকে গাছপালা
ঝোপ ঝাড়। অন্যদিকে মাঠ, ক্ষেত। চারিদিক
নিঃশব্দ, পাখীর ডাক ছাড়া কোন শব্দ শোনা যায়
না। ঝোপের আড়ালে লুকানো দু'জন লোক ছাড়া
আশেপাশে মানুষ চোখে পড়ে না। লোক দুজনের
লুকিয়ে থাকার জ্ঞান নির্জনতা কেমন রহস্যময় মনে হয়।
সেই রহস্যের অনুভূতি আরও গভীর হয়ে ওঠে
যাঝে যাঝে দু'একজন চাষী শ্রেণীর লোকের ভীত সঙ্কট
ভাবে এদিক ওদিক তাকাতে তাকাতে প্রবেশ করায়।
তারা নিঃশব্দে চলে যায়।

তারপর প্রবেশ করে শম্ভু ও ভূষণ। দুজনে প্রায়
সমবয়সী, শম্ভুর চেয়ে ভূষণকে একটু বেশী বুড়ো
দেখায়। গাছের আড়াল থেকে মধু ও মাখন
বেরিয়ে আসে।

মধু। খবর কি খুড়ো ?

ভূষণ। নতুন খবর আর কি। ওই গুজবটাই শুনিছি, আজকালের মধ্যে
গাঁয়ে হানা দেবে।

শম্ভু। আজ রাতে এলেই বিপদ।

ভিটে মাটি

মধু । আজ রাতে এলেও বিপদ, কাল রাতে এলেও বিপদ । বিপদ যা তা আছেই ।

মাখন । আমি বলি, দিনের চেয়ে রাতে এলেই ভাল । মেয়েছেলে গরুবাছুর নিয়ে বন জঙ্গল খানা ডোবার লুকিয়ে পড়া যায়, গুঁ তোও দেয়া যায় ফাঁকতালে দু'একটাকে দু'এক ঘা ।

ভূষণ । আর গুঁ তো দিয়ে কাজ নেই বাপু, ঢের হয়েছে । গুঁ তোর ঠেলা সামলাতে প্রাণ গেল ।

মাখন । যাবার জন্তেই তো প্রাণ ।

ভূষণ । তোর তামাসা রাখ মাখন । সব সময় ভাল লাগে না তামাসা ।

শম্ভু । মোর ভাবনা আজ রাতের লেগে । রাতে মোর পাহারা নয়ানদীঘির মোড়ে । ঘরটা থাকবে খালি । বলায়ের মা থাকবে বলেছে বটে রাতে মেয়েটার কাছে, তা মেয়েমানুষ তো বটে ছুজনাই । কি করবে, কোনদিকে যাবে দিশেমিশে পাবে না হয় তো ।

মধু । মোরা তো আছি । কিছু হলে পৌঁছে দেব'ধন গড়ে । কিন্তু তোমায় আবার পাহারায় দিলে কেন সামন্তমশায়, মোরা এত যোয়ান মদ থাকতে ?

শম্ভু । (সগর্বে) আমি যেচে নিইছি । সবাই বলে এই করেছি, ওই করেছি, আমি পারি নে ? বুড়ো এখনো হাইনি বাপু, নিজেকে যতই যোয়ান ভানো ।

মধু । তা রাতে কেন ? দিনে পাহারা নিলেই হত ।

শম্ভু । যেমন লিষ্ট করেছে ।

মধু । আজ্ঞা, কাল আমি তা ঠিক করে দেব সামন্তমশায় ।

(পদ্মা এল শঙ্কুরা যেদিক থেকে এসেছিল তার অপর দিক থেকে ।)

পদ্মা । বাবা ! বাবা !

শঙ্কু । কি ছুটোছুটি করিস পদ্দি, বয়েস হয় নি ? খুকীটি আছিস এখনো ?

পদ্মা । খপর দিতে এলাম ।

শঙ্কু । কি খপর ?

পদ্মা । আজ রাতে পাহারায় বেতে হবে না তোমার । নিতুর বাবা আর
* রসিক মামা বললো আমার ।

শঙ্কু । বাড়ী এয়েছিল ?

পদ্মা । এ্যা ? বাড়ী ? মোদের বাড়ী ? না তো ।

শঙ্কু । কোথায় বললো তবে তোকে ?

পদ্মা । আমি গিছলাম কিনা মাইতি বাড়ী ।

শঙ্কু । কেন গেছলি মাইতি বাড়ী ?

পদ্মা । এমনি গেছলাম !

শঙ্কু । সত্যি বল পদ্দি কেন গেছলি তুই মাইতি বাড়ী । ও বাড়ীতে
ওনারা পরামর্শ করতে জড়ো হন, ওখানে তোর ঘাবার কি দরকার ?

পদ্মা । তোমার শুধু কেন আর কেন । কেন এই করেছিস, কেন ওই
করেছিস । ভাল খপরটা দিলাম ।

শঙ্কু । কেন গেছলি বল পদ্দি ।

পদ্মা । তোমার কথা বলতে গিছলাম ।

শঙ্কু । কেন ? আমার কথা বলতে গেছলি কেন ?

পদ্মা । যাব না ? ছপুর রাতে বেরিয়ে সারারাত তুমি বাইরে কাটাবে,

ভিটে মাটি

ঠাণ্ডা লাগবে না তোমার? অসুখ করবে না? সখ হয়েছে,
দিনের বেলা পাহারা দিও।

মাখন। মন্দ কি করেছে কাজটা? বুদ্ধি আছে তোমর পদি।

পদ্মা। নেই ভেবেছিলে নাকি তবে? নিতুর বাপ কি বললো জান
মাখনদাদা, বললো—ভাগ্যে তুই এসে বললি পদি, নয় তো ভুল করে
বুড়ো মানুষটাকে রাতের পাহারার পাঠিয়ে মুন্সিল হত অসুখ বিসুখ
হলে।

শম্ভু। (গুম খেয়ে) ছোটলাল যদি রাগ করে ?

মধু। (হেসে) কেপেছ নাকি সামন্তশায় ? ছোটলাল যা করে সবার
সাথে পরামর্শ করেই করে। কারো ত্রাঘ্য কথা অমান্য করে না
কখনো। বার বার মোদের বলেছে শোন নি—সে হাকিম, না
পুলিশ, না জমিদার যে ছকুম জারি করবে ?

মাখন। লোক ভাল ছোটলাল। এত বড় বুকের পাটা কিন্তু কি নরম
মানুষটা। আবার গরম হলে আশুণ।

মধু। কথা বলে খাঁটি। বলে, আমার একার কথা কি কথা? তোমাদের
যদি বোঝাতে পারলাম তো ভাল, না পারলে তোমাদের কথার পরে
আর কথা নেই। কি ভাবে বোঝালে মোদের, কি ভাবে সামলালে।

ভূষণ। ছোটলাল দেখি দেব্ তা হয়ে উঠেছে তোমাদের।

মধু। দেব্ তা কিসের? বন্ধু।

মাখন। তুমি হও না দেব্ তা?

ভূষণ। চল হে চলো, আমরা যাই।

পদ্মা, শম্ভু ও ভূষণ চলে গেল। একটু পরেই ছুটে
পদ্মা ফিরে এল।

ভিটে মাটি

পদ্মা। মাখনদাদা, কত বড় পেরারা হয়েছে শুধো। ভিনটে এনেছি তোমাদের জন্ত।

মাখন। আমি ছোটো মধু একটা তো ?

পদ্মা। ভাগ নিয়ে তোমরা কামড়াকামড়ি কর। আমি কি জানি ?

পদ্মা চঞ্চল পদে চলে গেল।

মাখন। (পেরারা খেতে খেতে) আজকালের মধ্যে মোদের গাঁয়ে হানা দেবে শুনছি পাঁচ সাতদিন ধরে। কদিন এমন চলবে ?

মধু। যদি ওনারা চালান। কাল পলাশপুরে ছৌঁ মেরেছে। আজকালের মধ্যে মোদের জুনপাকিয়ায় আসতে পারে, আশ্চর্য্য কি ?

মাখন। আসেই যদি তো আশুক, চুকে বুকে থাক। যে কটা মরে মরুক যে কটা ঘর পোড়ে পুড়ুক।

মধু। গায়ের ঝাল কিছু বাড়বেই, সে তো জানা কথা। হেথার হাণামা বলতে গেলে কিছুই হয় নি, তবে ওদের কি আর বাছ বিচার আছে। এ ছদ্দিনে বাঁচবার জন্ত একসাথে মিলছি, এটাই মস্ত দোব হয়েছে হয় তো। পলাশপুরও যখন বাদ গেল না, জুনপাকিয়া সহজে ছাড়া পাবে না।

মাখন। কিন্তু মেয়েদের ইজ্জৎ !

মধু। সেটা কি আর মোরা বেঁচে থাকতে যাবে ?

মাখন। গেছে তো অনেক ষাগায়, পুরুষরা বেঁচে থাকতেও।

মধু। জুনপাকিয়ায় যাবে না।

মাখন। তোর জুনপাকিয়াও জন্ত গায়ের মতই মধু।

মধু। সে তো ঠিক কথাই। একি আর একটা গায়ের বাহাছরী দেখানোর

ভিটে মাটি

ব্যাপার ? কখনো যা ঘটে নি তাই ঘটলো বটে, তবু একজন একা বীর হলে কি হবে। দশটা গাঁর বীরত্বে কি হবে। এটা কি জানিস, বড় একটা চিহ্ন শুধু। তবে ছোটলাল বলে, যা করার তা করতে হবে, যা সওয়ার তা সহিতে হবে। দিন তো আসবে একদিন মোদেরও। আর সব সয়ে যাব, মেয়েদের ওপর অত্যাচার সহিব না। সরিয়ে ফেলে, লুকিয়ে রেখে, বাঁচাবার ব্যবস্থা করেছি ওদের—তবু যদি ওদের ওপর ছোঁ মারতে যায়, তখন আর সহিব না। প্রাণ থাকতে নয়। তাই বলছিলাম, মোরা বেঁচে থাকতে জুনপাকিয়ার মেয়েদের ডর নেই। সবাই মরলে তার পর যা হবার হবে।

মাখন। মুখ বুজে সহিব, এ যেন এখনও মোর কেমন ঠেকে।

মধু। ওই যে ছোটলাল বললেন, যা করার তা করতে হবে। মুখ থাকতে মুখ বুজবো কেন ? তবে যে যার খুসী যত বললে আর করলে কি কোন লাভ আছে।

মধু। তোকে বলি মাখন, কারু কাছে ফাঁস করিস না।

মাখন। তোতে আমাতে বেফাঁস কথা কইবার কি আছে শুনি ?—কে ?
কে যায় ?

চান্দর মোড়া এক মূর্তি এল। দ্রুতপদে আসছিল,
ধমকে দাঁড়াল। কণ্ঠস্বর ভয়ানক।

আগন্তুক। আমি, আমি। আমি বাবা, আমি।

মধু। দে'মশার ? এমন করে আগাগোড়া চান্দর মূর্তি দিয়েছ কেন ? মুখ দেখার যো নেই, যেন কনে বৌটি।

নকুড়। যা শীত বাবা।

মধু । সন্দে বেলাই এত শীত ?

মাখন । তা, এই শীতে কোথা গিয়েছিলে খুড়ো ?

নকুড় । বুড়ো মানুষ বাবা, একটু শীতে কাঁপন ধরে । হাড় কন কন করে ।
তোমাদের বয়েস কি আছে বাবা ।

মধু । এমন বুড়ো তুমি নও নে'মশায় । তোমার চেয়ে বুড়ো লোক রাতে
পাহারা দিচ্ছে ।

মাখন । বিয়ে তো করলে এই শীতে ভূষণ খুড়োর মেয়েটাকে । এমনি
চান্দর মুড়ি দিয়েছিলে নাকি বিয়ের আসরে ? আচ্ছা, সে নর
খুড়ীকে শুধোবো কেমন কেঁপেছিলে ঠক ঠক করে বিয়ের রাতে ।
এখন বল দিকি, গিছলে কোথা ?

নকুড় । এই কি জানো, গিছলাম বাবা বীরগাঁ, বোনাইবাড়ী । তোমাদের
খুড়ী কাল থেকে ক্ষেপে আছে, খালি বলে ষাও, ষাও, খপর নিয়ে
এসো মোর বোনের । তা' করি কি যেতে হল ।

হৃদয় এলো । পরণের গামছা হাঁটুতে নামে নি ।
আটহাতি ছেঁড়া মোটা ধুতিটি চান্দরের মত গায়ে
জড়ানো । হাতে একটা মোটা লাঠি । সহজ,
সরল চাষী-মজুর—একটু বোকসোকা ।

হৃদয় । দেখলে খুড়ো ? লাগাল ধরেছি ঠিক । বললে কিনা, মাঠে ষাষি
তো যা হিঙ্গর, তত খনে ঘর পৌঁছে ষাব । হিঙ্গরের সাথে পাল্লা নিয়ে
পারলে খুড়ো ? ধরিছি না গায়ে ঢোকান আগে ! পহুসা কটা
কিন্তুক আজ দিতে হবে খুড়ো । খুঁটির মা নরতো খেয়ে ফেলবে মোকে ।

মাখন । খুড়োর সাথে গিছলে নাকি হিঙ্গর ?

ভিটে মাটি

নকুড়। হ্যাঁ বাবা, হিন্দুরকে সাথে নিছলাম। আর হিন্দু, যাই।

পরমা দেব তোকে আজই।

মাখন। দাঁড়াও খুড়ো, একটু দাঁড়াও। বলি ও হিন্দু, বীরগাঁ গেলে

একবার বলে যেতে পারলে না মোকে? একটা চিঠি দিতাম

ছোট মহালের নামেবকে?

হুদয়। বাঃ রে কথা! বীরগাঁ? বীরগাঁ গেলাম কবে? খুড়ো বললো

হিন্দু, খাসধুরো ষাবি আসবি মোর সাথে, দশগুণা পরমা পাবি।

আমি বললাম, খুড়ো, দশগুণা নয়, এগার গুণা দিতে হবে, সাত

কোশ রাস্তা। তা খুড়ো বললে, হুদয়, আটগুণা যদি নিস তো

যেতে পাবি পেট ভরে, তাত কুটি মাংসো বিস্কিউট—ব্যাটা জীবনে

খাস নি! খুড়ো মোকে ব্যাটা বললে, শুনছো? খুড়ো বলে

ডাকি, মোকে বললে ব্যাটা!

নকুড়। ব্যাটা পাগল।

মাখন। খুড়ো, খাসধুরো গিছলে কেন?

নকুড়। তোর তাতে দরকার? মোর যেথা খুসী যাব।

মাখন। চটছো কেন খুড়ো। আমার কি দরকার, গাঁয়ের লোক বে

জানতে চাইবে, নকুড় খুড়ো এত ঘন ঘন খাসধুরো ষাব কেন, ওনারের

খাস আড্ডায়। তলে তলে কারবার করছে নাকি ওনারের সাথে?

নকুড়। বড় তোর বাড়াবাড়ি করিস বাপু। আমি গেলাম দর জানতে

সর্ষে আর সোণার, কিসের আড্ডা কানের আড্ডা কিসের কি, আমি

তার কি জানি। তোদের খালি সন্দেহ বাত্বিক।

মধু। সর্ষে আর সোণার দর?

ভিটে মাটি

নকুড়। না তো কি ? সর্ষে কিছু ধরা আছে, ভেবেছিছ নতুন সর্ষের সাথে মিশিয়ে বেচব। তা খুড়ী তোদের গৌ ধরেছে, সাতদিনের মধ্যে গয়না চাই। হঠাৎ বিয়েটা হল, গয়নাগাঁটি তৈরী তো হয় নি কিছু। ষত বলি সময় মন্দ, দু'দিন যাক, খুড়ী তোদের কথা শোনেন না। মাখন। ছেলেমানুষ তো, পদির চেয়ে ছেলেমানুষ। ভাবছে হয় তো ফাঁকি দেবে।

নকুড়। তামাসা রাখ মাখন।

মাখন। তামাসা কি খুড়ো, এমন গৌ তোমার বিয়ে করার যে শেষে ভূষণ খুড়োর ওই কচি মেয়েটাকে বিয়ে করে বসলে, গাঁয়ের লোককে দেখিয়ে দিলে বিয়ে তোমার ঠেকায় কার সাধ্য! ভাবলে বুঝি যে গাঁয়ের লোককে জব্দ করলে বিয়ে করে। তোমার তামাসায় আমরা হাসছি কদিন। তা যাক গে খুড়ো সে কথা, সর্ষের ব্যাপারটা কি শুনি।

নকুড়। তোদের বড় জেরা বাপু।

মাখন। জেরা কিসের খুড়ো, সর্ষে বেচে খুড়ীকে গয়না দেবে এ তো সুখবর, আনন্দের কথা। দশবিশ হাজার যা জমা আছে টাকা তোমার, তাতে তো আর গয়না হবে না খুড়ীর—সর্ষে না বেচা হলে বেচারী ফাঁকিতে পড়বে। তা সর্ষে বেচলে ?

নকুড়। ভাল দর পেয়েছি। ভাবলাম চুপি চুপি বেচে দেব কাউকে না জানিয়ে, তা তোদের আলায় কি চুপচাপ কিছু করার যো আছে।

মাখন। সর্ষে দেখাবে খুড়ো ?

নকুড়। আরে বাবা, সেকি হেথায় রেখেছি ? বীরগাঁয়ের বোনায়েন্ন ওখানে আছে।

ভিটে মাটি

মাখন। গল্প বানাতে ওস্তাদ বটে তুমি খুড়ো। বলি হিন্দয়, খুড়ো কোথা কোথা গিছ্ লো রে খাসপুরোয় ?

হৃদয়। কে জানে বাবা। মোকে হীরুর তেলেভাজার দোকানে বসিয়ে রেখে খুড়ো গেল খালধারে তাঁবুর দিকে। তারপর কোথা কোথা গেল ভগবান জানে।

নকুড়। (তাড়া দিয়ে) হয়েছে, হয়েছে। আয় হিন্দয়, যাই আমরা।

মাখন। একবার মাইতি বাড়ী হয়ে যেতে হবে খুড়ো।

নকুড়। তোর হুকুমে নাকি ?

মাখন। ছি ছি, হুকুম কিসের। এই জোড় হাতের আবদারে। মধু, খুড়োর সাথে ঘুরে আসছি মাইতি বাড়ী। হিন্দয়, তুমিও এসো সাথে। ভয় নেই। যা যা শুধোবে, ঠিক ঠিক জবাব দিও।

গজর গজর করতে করতে নকুড় চলে গেল। সঙ্গে গেল মাখন ও হৃদয়। কিছুক্ষণ শুরু হয়ে রইল চারিদিক। সন্ধ্যার অন্ধকার আরও গভীর হয়ে এল। দূর থেকে শোনা গেল এক শাঁখের আওয়াজ —বহুদূর থেকে।

মধু। একটা শাঁখ! সাঁঝেও তো শাঁখ বাজানো বারণ। কারও বাড়ীতে ভুলে গেল নাকি ?

তারপর কাছে ও দূরে অনেকগুলি শাঁখ একসঙ্গে বেজে উঠল। মধু তার হাতের শাঁখটি মুখে তুলে বাজাল। দূরে শোনা গেল কোলাহল আর্ন্তনাদ ও দমদাম শব্দ। মধু ছুটে গেল গাঁয়ের দিকে। তারপর আবার ছুটেতে ছুটেতে ফিরে এল, সঙ্গে পদ্মা।

মধু। কি বলে তুই এ দিকে এলি বল দিকি।

পদ্মা। না এসে থাকতে পারলাম না। মনে হল এদিকেই ওরা আসছে,
কি জানি তোমার কি করবে।

মধু। তাই তুই বাঁচাতে এলি আমার। যদি বা বাঁচতাম—এবার ছুঁজনেই
মরব। অত করে শিথিয়ে দিলাম, গড়ের ধারে যেখানে গিয়ে লুকোবে
সব, সেখানে যাবি। তুই এলি এদিক পানে ছুটে!

পদ্মা। তোমার বোনকে পাঠিয়ে দিয়েছি সেখানে।

(কোলাহল কাছে এগিয়ে আসে)

মধু। বেশ করেছিস। কি করি এখন তোকে নিয়ে আমি।

পদ্মা। আমার জন্তে ভেবো না। ছ'জনে লুকোই চलो। ওরা বুঝি এল।

মধু। এই পুকুরে নাম গিয়ে। পানার গলা ডুবিয়ে থাকবি। নিশুনিয়া
হবে নির্ঘাৎ—কিন্তু উপায় কি।

পদ্মা। আর তুমি?

মধু। যা বলি তা শোন। কথা বলিস না। নিজে যদি বাঁচতে চাস,
মোকে বাঁচতে দিতে চাস, কথা শোন। নয় তো ছ'জনে মরব।

অনিচ্ছুক পদ্মা কয়েক পা এগিয়ে গেছে, কাছে
বন্দুকের আওয়াজ হল। মধু পড়ে গেল ছমড়ি ধরে।

পদ্মা আর্তনাদ করে বাঁপিয়ে পড়ল তার ওপর।

মধু। পালা! পালা! বেইজ্জৎ করবে তোকে—পালা।

পদ্মা। না। তোমার ফেলে পালাব না আমি।

মধু। তুই না থাকলেই বাঁচব পদি। তুই থাকলে আরো মেরে কেসবে
আমায়। তুই কাছে না থাকলে মরার ভান করব—কিছু করবে না।
যা—পালা শীগগির। মোকে যদি বাঁচাতে চাস, পালা।

ভিটে মাটি

পদ্মা উঠে পালিয়ে যায়। পরক্ষণে অল্প দূর থেকেই শোনা যেতে থাকে তার আকাশচেরা আর্ন্তনাদের পর আর্ন্তনাদ। হঠাৎ সে আর্ন্তনাদ থেমে যায়। মধু প্রাণপণে উঠে দাঁড়াবার চেষ্টা করেও কিছুতে উঠতে পারে না, কেবলি পড়ে পড়ে যায়।

শ্রীমদ্রামায়ণম্

—স্ববনিকা—

B2636



